



ル 6
2529
10



門九三六
號2529
卷49-10

吉林通志卷二十二

輿地志十 山川五 水道上

松花江之水第一

長白山在吉林東南去府城六百餘里高二百餘里其巔有潭曰闔門周二十九里有奇松花江出其北

松花江即混同江也本名松阿哩烏拉魏曰速末水

魏書勿吉傳國有大水闊三里曰速末水唐曰粟末

遼曰鴨子河改曰混同江

遼史地理志長春州韶陽軍本鴨子河春獵之地聖宗太平四年改鴨子河為混同江混同之名始見於此金元及明皆

曰宋瓦

金史地理志上京路有宋瓦元一統志混同江俗呼宋瓦江明一統志混同江舊名粟末

河俗呼宋瓦江明宣德時始有松花江之名明史宣宗本紀宣德八年造船於松花江前此洪武時呼曰松花河見馮勝傳蓋猶未有江名一統志於混同江外別出松花江蓋誤分爲二辨粟末宋瓦速末松花聲轉字通實皆一水混同則水之一名非有兩江而自古以來稱號多殊源流復舛重紕馳謬特爲疏通而證明之契丹國志曰混同江古之粟末河黑水也大金國志曰長白山黑水發源於此舊名粟末河契丹改名混同江松漠紀聞曰黑水掬之微黑契丹目爲混同江是皆以黑水爲混同江也而金史世紀直云混同江亦號黑龍江考黑龍江出喀爾喀北界東南流與混同江會混同

江自長白山北流折而東與黑龍江會截然兩源似不應認爲一水原其致誤蓋亦有由考唐書室韋傳室韋水東流與那河忽汗河合又東經南黑水靺鞨之北北黑水靺鞨之南云云那河今之嫩江也忽汗河今之瑚爾哈河也松花江於伯都訥境受嫩江又東流於三姓北受瑚爾哈河又東北流於黑河口與黑龍江會唐書所云南北靺鞨皆在今混同江南北之地而當時被以黑水之名蓋由互受通稱而葉隆禮諸人遂誤以下游交會之名施之上游之地耳而金史地理志肇州始興縣有鴨子河黑龍江考肇州

爲今伯都訥地不得有黑龍江蓋猶是世紀混同江亦號黑龍江之說而不知混同卽鴨子河之改名是誤分一水爲二水也又曰上京有混同江鴨子河宋瓦江考混同江卽宋瓦江遼史稱卽鴨子河金志云爾是又分一水而爲三矣凡此皆稱名之誤也唐書曰粟末河西北注它漏河考它漏河卽今滔爾河入嫩江以達松花江此反謂松花江注它漏河本末殊爲倒置許亢宗奉使行程錄曰古烏舍寨枕混同江其源來自廣漠之野遠不可究自此南流五百里接高麗鴨淥江夫混同江出長白山會黑龍江東入海

乃云來自廣漠之北南流會鴨淥江其誤亦與唐書同其後元明統志及黃氏今水經舛誤尤甚元一統志云混同江源出長白山北流經舊建州西五十里會諸水東北經故上京下達五國頭城東北注海其所云舊建州故上京皆渤海所立建州今敦化縣境上京今甯古塔境皆牡丹江所經地是誤以瑚爾哈河卽牡丹江爲混同江也明一統志云混同江在開原城北一千五百里源出長白山北流經金故會甯府下繞五國頭城東注於海其誤與元志同但元志所云上京係渤海之上京明志不知而取金之會甯府

勒楚喀地以實之遂使忽汗即瑚爾哈混同兩無所施是誤而

又誤也志又云松花江在開原東北一千里源出長

白山北流經故南京城合輝發江混同江東流注海

考金史以宋瓦混同分爲二水明志復以松花混同

分爲兩江同一謬誤而更以爲松花江合混同江則

其誤彌甚今水經曰混同江源出長白山北流逕金

會甯府過五國城又北合松花江東入於海又曰松

花江源出長白山北流逕金故南京城合黑龍江至

海西入於混同江既云混同江合松花江又云松花

江入於混同江蓋兩沿元明統志之訛而更加之附

會凡此皆源流之舛也松花江爲東北巨川而千載

沿訛莫得一是將使搜渠訪瀆何所據依恭讀

高宗純皇帝御製詩注曰松花江本以松阿哩烏拉得名松

阿哩國語謂天河也是知粟末諸名實皆松阿哩一聲之

轉而殊名異號於此兼賅第唐時粟末之稱僅至嫩

江而止唐書靺鞨傳粟末部居最南抵太白山依粟

末水以居水源出山西北注他漏河稍東北

日汨咄部又曰粟末之東曰白山部他漏河爲今涪

兒河於伯都訥西北境注嫩江而同一松花江汨咄

部至此易名是不爲下游通稱之證遼時鴨子河之

號特專指長春一隅遼史營衛志鴨子河灤東西二

北三十五里凡本紀所云如鴨子河者舉不而今之

出此一隅之地是不爲上下游通稱之證

吉林通志卷二十二

松花混同一名實為上下游之通稱然取發源高遠之義則自長白山以下宜定名曰松花江即松阿論其受三江嫩江烏蘇哩江黑龍江之大則自嫩江以下始宜稱曰混同江會典圖說如此因地定稱各有攸屬義符於古名應其實則源流不紊而名號秩然矣至於脈其支流之吐納診其沿路之所躔則別為水道記詳於後焉松花江屈西北流百餘里額赫諾因河三音諾因河合哈勒琿穆克河自西南流來注之額赫諾音河源出長白山西北奔流激急是以有額赫之名矣

國語額赫不善也土人謂之急泉子西北流百餘里與三音諾因河會河亦出長白山北流數十里哈勒琿穆克河自西來入之河出斐德里山東即西幹頂即西幹二百六十里即湯河也土人亦謂之溫泉熱如沸湯有氣上蒸如霧東北流百餘里會兩諾因河東流入松花江

又西北行三十里雖哈河自西來入之雖哈河發源斐德里山北麓兩泉歧出行十餘里而合東北流百餘里入松花江

又西北行十餘里那爾琿河自西南來入之

那爾琿河源出佛思亨山東北流百餘里來入松
花江

又北有尼石哈自西來入之

尼石哈河亦出佛思亨山合兩源東北流數十里
入於松花江

又直北行百餘里有大小圖拉庫河尼雅穆尼雅庫
河合富爾哈河自東來入之

兩圖拉庫河皆源出長白山巔正當鴨綠江源之
北在西曰安巴圖拉庫在東曰阿濟格圖拉庫

國語安巴大也阿濟格小也圖拉庫瀑布也激湍奔注

直下千尋是以有圖拉庫之名矣兩水東西相距

十餘里分流北行百餘里入於尼雅穆尼雅庫河

河亦出長白山合兩源北流百數十里折西流受

兩圖拉庫河屈西北流百里許會富爾哈河富爾

哈今亦謂之富太河出平頂山西北諸峯

在黑山
之北百
里亦幹山北行而分支一趨東北一趨西北趨
西北者為尼雅勒瑪哈達哈達 國語峯也

蓋琿春之西界也直西流百餘里入吉林府界又

西百里許折北流與東來之古洞河會

河亦出琿
春西界山
中直西流百餘里入吉林府界北岸
界敦化縣又西百里許與富太河會合成一川又

西百里許折南流與兩圖拉庫河會合西流受南

來之塞珠倫河河長百餘里折西北流薩穆什河自東

來入之河出塞齊窩集合兩源西南流入富太河合西北流百數十里

入於松花江

屈西北流數十里經蜂蜜碛南輝發河白奉天海龍

廳界合數十水東北流來入之

輝發河一名柳河源出奉天通化縣界南山城北

流七十里經北山城南合白銀河東北流二十里

經海龍廳東合押鹿河大沙河又東流三十里經

朝陽鎮西合伊通河此奉天伊通河也一曰統河與在吉林者別又東

合三屯河又東流十餘里經輝發城北又名輝發

江又東流十餘里合亮子河蝦蟆河又東北流入

吉林伊通州東南界南岸仍隸海龍當石河自北

來注之又東逕茶條崴子又東逕樂家屯南受交

河一作角哈河源出海龍廳四方頂子山北流七十餘里入輝發河西岸仍隸海龍復東

合二岔河即梭爾和也出伊通州東南佛思亨山北流數十里入輝發河自此而

東河之南岸亦入吉林界又東北逕樂家岡北受

巽山屯河河出伊通州東南牛心頂子山南受托佛河一呼託佛畢拉源出

伊通州東南又東北逕窟窿山南受報馬川河出

通州東南三岔山兩源歧北受細鱗石頭二河並

發合成一川入輝發河出州東南三箇頂子又東北逕亂泥溝北受通順

屯陳家屯二河南受橫德屯智德屯二河諸河並出伊通

州東南諸山又東北受富太河河出伊通州東南松樹頂子山屈南流復西合

小水二入又東北受色勒河河出伊通州東南四方頂子山北流西合

輝發河一北注輝發河又東北逕永福屯北受獨立屯

黑石頭街豬鬃碓子諸河並出伊通州東南孤頂子北受頭二

三四五道諸溝河并出伊通州東南松陰又東北呼蘭河自

北來注之河出伊通州東南七箇頂子山南受法

河即發河也土人謂之法畢拉國語謂河為畢拉或於畢拉更加河字誤也源出伊通州東南

大旺屯東流而北南合小水一東合小水一北流百里許入輝發河是為法畢拉口與呼蘭河南北

相直如折東北流河之北岸入吉林府界又東三

十餘里南受蘇密河河出伊通州東南大肚川西

發河又東有公河自南來入之公河即滾河也公滾

則滾字之切音本日公畢拉畢拉或作別拉今遂呼為公別河則誤之甚亦出伊通州東南大肚川

兩源歧發東受小水一北流六十餘里入輝發河又東受大簸箕河又東

受小簸箕河河並出伊通州東南簸箕岡分又東

受南來小河五日五道溝四道溝三道溝二道溝

分流北行又東北逕夾信子大萬兩河自南來入

入輝發河之河出伊通州東南那爾轟嶺東北流七十餘里

受南來小水一又北流受西來小水一又東北

流小萬兩河自西來入之少東受南來之家基河

又直北百里許由夾信子東入輝發河其東岸皆

吉林府界又東北兩岸皆吉林府界矣又東北金沙河

自西北來入之

即奇爾薩河也源出吉林府西南牛心頂子山東南流七八十里受

西來小水一折東流受北來小水一

又東南逕密什哈屯西入輝發河 又東流逕輝發河卡倫北入松花江 此河自發源處東北行

七百餘里合小水之有名者四十餘凡伊通州東

南吉林府西南諸山眾流畢匯水勢幾與松花江

相埒是以土人稱其下流總曰吉林烏拉也

屈東北受密什哈溝

溝出吉林府東南蜂蜜磧子山行三十餘里南入

松花江

又東北逕樺樹林子西大小木欽河自南來注之

木欽河即穆辰河也一作穆禽源皆出塞齊窩集

分流數十里西北入松花江

屈西北逕大卡倫東大英溝河自北來注之又東逕

風倒木溝南小加皮溝河五虎石河並自南來注之

兩河並出吉林府東南塞齊窩集西北流數十里

入松花江

少東逕荒溝屯北古洞河自東南來入之

古洞河土人謂之咕咚河源出富爾嶺西流逕上

帽山南又西折北流由荒溝屯西入於松花江

又東逕荒溝屯北東受大嘎哈溝小嘎哈溝二河又

東北逕朝陽坡東東受漂河西受柳樹河又東北逕榆樹歲子南北受牝牛溝河

大嘎哈溝河出上帽山小嘎哈溝河出下帽山漂

河出富爾嶺北逕漂河歲子南西入松花江柳樹

河出半拉窩集南東流數十里入松花江與漂河

相直也牝牛溝河出荒地溝屯南西入松花江

又東北拉發河自東北來注之

拉發河源出吉林府東北霍倫川西卽金史世紀

之和掄水也河出其間西南流四十里北受大沙

河河出吉林府東北楊木岡東流折而南有樺樹河出自五常廳永發屯南流七十里來會合爲

一逕中開元屯東後開元屯西復南流八十里入拉發河又西南逕土山少西

逕龍鳳口北受石頭河河一作十道河出吉林府東北石頭頂子東凡南流

一百二十里由土山西南入拉發河又西南逕苦巴河屯又西南逕

下水銀屯東受大交河一曰角哈河源出吉林府東南土磧子卽伊努山也

西流七十餘里入拉發河又西南逕杉松街又西南逕大小瓜

旗屯凡行三百餘里西注松花江

又西北逕四道卡倫北南受瑪延河

河出吉林府東南大團山逕三道溝之西二道溝

之東屈曲行五十里許北入松花江

北受響水涼水二河

二河並出吉林府東南堪達山土人呼康大碛山南入松

花江

又西北逕大沙石戶屯西受大小牯牛溝河

河並出頭道溝

直北流逕新店屯西大富太河自東來注之

河出杉松嶺北西流七十里逕張家灣南入松花

江

又西北逕帽兒碛石東東受小富太河少北受雅們

河西受依蘭嘎哈河

小富太河出楊木頂子西流四十里許雅們河今

曰新開河出雅們嶺西南流三十里並入松花江

依蘭嘎哈河出摩天嶺卽庫勒訥窩集也東流數

十里入松花江

又西北逕小窩集屯北南受海蘭河

海蘭河今曰海浪河亦出摩天嶺北流折而西凡

七十餘里東入松花江

又直北逕羊碛子東額赫穆河自東來入之

額赫穆河出吉林府東南那穆窩集今曰磬兒嶺

西流百里許逕小孤家子唐家歲子大五棒溝南

折南流西入松花江

屈西北逕舍利溝南西受小舍利河

舍利河今日舍利河出府南窩集東入松花江

又西北逕大風門西大風門河自西來入之又西北

逕雙鳳屯東東受小五棒溝河又西北逕無極哨屯

西西受桂子溝河又西北逕蓮花泡屯西東受十景

溝河西受河濟格哈達河

諸河並出府南窩集分入松花江

屈東北逕馬家屯西溫德赫恩今日溫德亨河自西來注

之

河出吉林府西南大黑山東直北流逕火龍屯又

西北逕六家子西折東北逕馬安屯西又北逕拉

拉街東北受大水河河一曰綏哈河出吉林府西

河又東北逕孤榆樹屯又逕八里屯入松花江自

發源至此凡百餘里明一統志溫圖原作穩禿河在開

原城北五百里源出坊州北山北入松花江

盛京志引作溫登河圖登聲轉登德音近以道里音譯

求之即此河矣

又東北過吉林城南直東流十餘里折北流東受小

河二又北逕東團山西東受小河一折西北流逕龍

潭山西依罕阿林河自東來入之

依罕阿林河出吉林府東南牛心頂子

國語依罕謂牛阿林謂山水出其山因以名焉西流逕

葦塘溝南南受嘎雅河河出府東南荒山屯北入依罕河又西逕

上達屯北南受雙岔河河出府東南火盤溝屯合西流入松

花江凡行一百一十餘里

少西逕二道嶺東沙河自西來注之

河出府西北馬廠屯東南流逕何家窩堡北折東

逕二道嶺西折北流東入松花江

又西北逕舊站街北西受通氣河

河出府西北二台子屯

又西北錫蘭河南出之富爾特恩河自東北來注之

又北逕烏拉城西又北逕哨口西西受一小河又西

北逕郎家澗西南受一小河又西北逕泡子沿屯東

折東北錫蘭河北出之舒蘭河自東南來注之

錫蘭河今日溪浪河源出府東北東孤家子東南

數十里逕新民屯雙岔山西東受喀哈河河今日喀岔河

源出府東北亮甲山西南流數十里入錫蘭河合南流逕雙岔頭山折西

南流逕青龍山又西逕鳳凰山北分爲二派一西

南曰富爾特恩河河自錫蘭河分支由鳳凰山西麓

北凡行七十里入松花江一西北流曰舒蘭河河由錫蘭河分支西北流四十

里許逕郎家通
北西注松花江並入松花江

又東北流逕紅灣子東東受西歲子兩河

南河出白旗屯北河出孤家子西流數十里逕西

歲子南北分入松花江

屈西北流逕官木廠西黃家邊河自西來注又東北

逕柳樹河卡倫西柳樹河自東來注又北逕法特哈

邊門西分流繞黃魚圈北流十餘里復合又北入長

春府東北境東岸界伯都訥廳西別出為巴彥河北

流三十里許復自西入焉又西北逕長岡子北穆書

河自南來入焉

穆書河今曰木石河源出吉林府西北七台邊屯

入長春府南界東北流百餘里東受太平溝河

府東滴水湖西北流
數十里入穆書河合北流五十里逕張述口東

入松花江

又西北南受一小河

河出長春府東北十二馬架逕張述口西入松花

江

又西北逕燒鍋溝伊通河自西北來入之

伊通河一曰大伊通河別小伊通河言之也金史

謂之益褪額圖琿從攻黃龍府援照散城夜過益

褪水明一統志二十五龍安一禿河在三萬衛北

又八十九一迷河在開元城北四百里北流合一

禿河入松花江皆此河也源出伊通州東南磨盤

山境石板屯屈西北流四十里許入伊通州界南

受小伊通河河出磨盤山西北石碑嶺北流逕橫河屯西西岸界奉天海龍廳北入伊

通州界合於伊通河合北流一百二十里過伊通州城東折

北流四十里逕金家哨受南來之伊巴丹河河一

把單出州東南黑頂子西北流受柳樹河柳樹河出州東南碾子山西注伊巴丹河合北流四十

餘里逕伊巴丹站南折西北流四十里許入伊通河合北流逕勒克山溝口

屯放牛溝兩河合為一自西來注之溝口屯河出州西北馬鞍

山放牛溝河出州西北楊家屯又北流五十里出

伊通邊門入長春府界北流而東三十里東受新

立城河河自伊通州北境入府西又北過長春府

東又北流九十里逕趙家店東折北流驛馬河自

西來入焉

驛馬河源出蒙古旗地六家子山南流入長春

府西北界折東流北岸直農安縣又東一百七

十餘里南受新開河河出伊通州西北經榻房

北流五十里南受太平溝河太平溝河亦出伊

通州西北經浪頭嶺西入懷德縣界北流四十

里入新開河合北流四十里入長春府西界逕

白龍駒山西又北流百里逕石廠西入驛馬河

合東流四十里逕趙家店北東注伊通河

伊通河既受驛馬河東逕二十里堡折東北逕林

家店又東北逕林家橋又東北逕卜家窩堡北伊

勒門河合數水自東南來注之

伊勒門河自伊通州磨盤山北境來凡二源一

出菱角頂東北流一出伊勒門卡東小山西北

流入吉林府界逕雙馬架西合而北逕神仙洞

西西受玻璃河河亦出磨盤山境凡二源入吉

流西受自龍王岡來一林府西南界逕吉慶屯合東北

小河又東北入玻璃河又東北逕將軍嶺又北

逕太平山又西北逕姚家城子東蘇幹延河自

西來入之蘇幹延即蘇完也河以地名金史世

之則為二字急讀之則成一音即此河也今或

曰刷煙或曰雙陽皆以音近致訛幹或為幹則

字之誤也源出吉林府西南暖泉屯直北流六

十餘里逕蘇幹延站東折西北流四十里逕回

營東石頭河自西來注之石頭河出府西南

英帽頂子山直北流一百餘里西岸界伊通州

逕後溝南折而東受北來一小水折東南流二

十里許東入蘇幹延河合東北流三十里東入

伊勒門河既受蘇幹延河北流折而東逕

蓮花泡屯北薩拉河自南來入之薩拉河一曰

薩龍今曰盆

路皆以音近致訛也亦出自磨盤山北界有二

源入吉林府西南界逕呼蘭山西北流百餘里逕伊

里受西南來之梨樹溝河又北流七十餘里逕伊

勒門站西盈路河街東屈西北流七十餘里逕伊

注伊勒門河北又東北北受興隆河府南興隆山

府南興隆山

府南興隆山

府南興隆山

府南興隆山

府南興隆山

府南興隆山

府南興隆山

府南興隆山

又東逕石灰窰子南蘇通河自南來入之蘇通河出

吉林府西南鶯鶯崖東北流逕磬嶺西受雙

河又北逕平頂山西受五里河又東北逕伊

拉齊街東折西北流逕方家城子東自發

源至此凡行二百三十里北注伊勒門河又東

逕前腰屯南折北流東受穆書河河今曰木石

西北五邊台屯西南流五十餘里逕奇塔穆街

河西受來自六台邊屯之小河灣河合西南流

五十餘里西又北逕丁家屯西東受二道溝河

注伊勒門河又北逕狼洞子東入長春府

河出七台邊屯西又北逕黑坎子東霧海河自

界行四十里西受新立屯河河出府東南高家

店東北流八十里許入伊勒門河又北逕大榆樹林東受沙河河出府東

南西北流五十里又北逕黑坎子東霧海河自

西南來入焉河一曰烏蘇圖烏海源出吉林府

龍王廟西東北流一百七折西北流百里許北

十餘里東入伊勒門河

注伊通河自發源至此凡行六百餘里伊勒門

即金史之額勒敏温屯噶布拉思居長白山阿

卜薩河徙隆州額勒敏河是也明一統志一迷

河在開原城北四百里北流合一禿河入松花

江今土人呼曰驛馬河與發源蒙古六家

子者名同非一河一迷

驛馬皆伊勒門一聲之轉一禿河即伊通河也

伊通河既受伊勒門河又東數十里屈東北流入

於松花江自發源至此凡五百五十餘里自受驛

於松花江自發源至此凡五百五十餘里自受驛

馬河

來自蒙古界者

後北岸皆界農安縣

松花江既受伊通河西北入農安縣東北界東岸界伯都訥廳又西北逕蓮花泡南直西流逕鷹山南南岸界蒙古郭爾羅斯前旗界又西分一水而北又北復合又西北逕于家屯西又西逕伯都訥城西南而北逕八家子屯西東分一水爲錫蘭河又西北復合又西北東分一水爲二道河又西北至三江口嫩江自西北來會古諾尼江也混同之名自此始折東流北岸界黑龍江省又東二道河自西南來合折東南流東分一水爲大肚川行數十里復合又東南分一

水爲四合堡河又東南數十里四合堡河自西來合折東北流東分一水爲兔斯河又東南數十里復合折南流逕二龍山北西受黑石坨河

黑石坨河源出伯都訥廳北長春嶺西入松花江又東流逕岱吉卡倫北拉林河自東南來注之

拉林河遼史之滾流河金景祖敗舍音往見遼邊將行次滾流水而復金史作來流太祖進軍甯江州諸部兵皆會於來流今音轉爲拉林實一水也凡二源皆出五常廳東南拉林山北曰霍倫河金史之活論河烏春傳所云涉活論來流水舍於朮

虎部阿里矮村者也南曰舒蘭河水道提綱作音

蘭蓋舒或作書又以形近誤為音也雨水歧發總

成一川合西北流七十里逕大歲子屯南南受哈

薩里河河一作喀薩喇或別出之以為兩河非也出自哈薩里山西北流數十里入拉林河

又西北左受小水二右受小水二水並出五常廳東南又西

北逕雙砑子南東受響水河河出五常廳東南大鍋盔頂子又西

北逕大青嶺山東東受寒葱河河出五常廳東南雙砑子直北

流逕向陽山南東受渾水河河出五常廳南長安堡來又直

北折西流逕穀頭山北靠山寨河自南來注河自

寨北流四十里入拉林河少西黃泥河自東來注即涼水泉河

東南連環山又西逕山河屯北錫蘭河自吉林府北入

五常廳界合小沙河來注之河出吉林府東北新開河屯有兩源故又

名雙河川今日溪浪河以音近而訛也直北流五十餘里入五常廳南界又二十里東受來自三箇

頂之小沙河合又西北逕蓮花泡東東受半截河

北流入拉林河河出五常廳東南三道岡又西北西受七道河河出伯都訥廳

東南三道岡北流逕興隆鎮東折東流逕土橋街南入五常廳界東注拉林河又西北西受六

道五道河兩河皆自伯都訥廳東南玉皇廟來分

流十餘里合成一川東入五常廳界注

拉林河又西北西受富春河河自伯都訥廳東界大房身來又西北

逕半拉城西河之西岸入伯都訥廳界又西北逕

後沙山西莫勒恩河合大泥河自東南來會

莫勒恩即摩琳河金史謂之穆棱水世紀臘醅

略來流水牧馬得姑里甸兵百十有七人據暮

棱水守險即此或以此暮棱水為甯古塔東穆

凌河則去今拉林甚遠恐非是也河出五常廳

東南拉拉林山北麓凡二源合而西流逕青頂山

南又西而北東受石頭河河出五常廳東南三

里出南北雙城之又西北西受小莫勒恩河出

間西入莫勒恩河又北流冲河自東來注河出五常

金坑山東北又北流冲河自東來注廳東南大

青頂子山直西九十餘里入莫又西北南受小

勒恩河今呼其處為冲河口云

里河河出金坑山北東又西折北流東受湘水

河流出五常廳東黃岡西北少北西受七才河

河出五常廳東南雲梯山東南逕又北逕元寶

蘭彩橋南折北流注莫勒恩河又北逕北小

山西東受薛家灣河河出五常廳又北逕北小

山東西受劉泡河河出北小又北大泥河

自東來會

大泥河出五常廳東次老茅山西北流四十里

東受小石頭河河出廳東大青山故一名又西

北青川云西入莫勒恩河又西

北東受姜家溝河河出廳東無名山西流又北

六十里許入大泥河又北

東受疙疸橋河河出廳又西北南受元寶河出

廳東楊木頂子折西南流南受小泥河河出廳東老木營山又西

南南受葦沙河河出廳東滿天星嶺西北折北

流大石頭河合六道河自東北來注焉大石頭河出鷄

爪山西麓六道河出鷄爪山東麓分流至山南而合又西南入大泥河又西北逕

大紅頂山南西會莫勒恩河土人呼其處為大

泥河口

莫勒恩河既合大泥河屈西流逕萬寶山南南

受條子河河出廳東八道岡又西流南受小六道河出

廳東六道岡東北流南合出自七道岡之轉山子河同注莫勒恩河又西北南受

半截河河出廳東青雲寺屯又西北楊樹河合於藤子河

自南入焉二河並出廳東五道岡分流而北合成一川入莫勒恩河少北四

道黃泥河自東入焉河出廳東萬寶山西麓又西北逕黑

魚泡北東受三道黃泥河又西北逕五角泡北

二道黃泥河頭道黃泥河並自北入焉三河並出廳北

碩多南受琉璃河河出廳東四道岡西合又西

北逕五常堡北南受頭道河河出廳北又西北

北受柳樹河河出碩多庫山又西北入拉林河

拉林河既受莫勒恩河又西北東受背陰河河出廳北

山小又北而西北岸入雙城廳界南岸界伯都訥廳

又西逕牛頭山北卡路河自混同江東北流南合

卡岔河入焉

卡路河出自松花江在伯都訥廳西南界分支

北流逕于家寨西折東北逕四間房西直北流

逕十間房西折東北流逕卡倫站南折而東逕

于家堡北南受卡岔河

卡岔河出伯都訥廳東南長嶺子北流八十里

合南來之二道河二道河出吉林府東北入伯都訥廳東南界北流百餘里逕萬壽山西合於

卡岔河合東北流逕藍旗屯東東北入拉林河

拉林河又西北行一百六十餘里逕大碑東董家

屯河自南來入焉

河出伯都訥廳西太平嶺西北流七十餘里入拉林河又

西北逕柞樹岡北南受蘇家窩堡河

河亦出太平嶺東北流八

十餘里入拉林河又西北入混同江

混同江又東入雙城廳界北岸界黑龍江呼蘭廳又

東逕江岔子北少東南受煙袋泡子河又東南逕泡

子口北分一小水而東又東北復合又東南折而北

逕河南屯北分一小水而北又東北復合又東逕西

歲子北分一小水而東二十里許復合又東北逕朝

陽屯北南受朝陽屯河

朝陽屯河出雙城廳東北鑲藍旗三屯西北流五

十里許入於混同江

又東北逕萬家店北葦塘溝河自東南來入之

葦塘溝河出賓州廳西南廣慶莊直阿勒楚喀城西五十餘里

西北流入雙城廳東界逕半拉山南東受一小河

河出半拉山北又曲折西北流逕新立屯西直北注混同

江凡行一百五十餘里

又東逕報馬屯北分一小水東流十餘里復合又東

北南受大亮子河又東南逕天鴨泡北正陽河自西

南來注之

正陽河出雙城廳東北正紅旗二屯北注混同江

混同江又東北入賓州廳界北岸仍界黑龍江呼蘭

城少東北逕前貴口北阿什河自東南來注之

阿什河即阿勒楚喀河也金曰按出虎北盟彙編

曰阿觸胡又曰阿朮火字異音同實一地也出賓

州廳東南帽兒山屈西北流六十里逕西花碯山

北受花碯河河出東花碯山又西而南而西逕三道街南

折南流南受小黃泥河河出雙城廳東大青頂山西北入賓州廳界行三十

餘里注阿什河又西北河之南岸界雙城行二十

里混元河合五水自北來入焉頭道河出廳西南大分水嶺南流逕

烏拉草甸南二道河自嘉松阿山西流來會又少

南三道河自東來會河亦出嘉松阿山又西南半

截河出小分水嶺自北來會折東南流四道河出

塔頭山自東來會至此總成一川曰混元河西南

流十餘里折西南流東岸界雙城逕磬兒嶺東東

受太平川川出雙城北又西南西受二道關門河

河出廳南少南大黃泥河自東南來入之河出雙城廳東

嚴家嶺南筆架山西北流北合帽兒山折西北流西岸又

界雙城西逕潮半岔北北受泉眼河河亦出嚴家嶺少西

折北流西受孫家店河河出雙城廳界又西北逕七箇頂

子西東受大石頭河又西北東受小石頭河又西

北逕王窩堡西東受沙河又西北逕料峭口西東

受哈馬塘河又西北東受大腰溝河五河並出廳西南七里半

山又西北南受箐子溝河河出自雙城廳箐子溝嶺二源南曰南箐子溝

河北曰北箐子溝分向西北流數十里合焉又西北逕武家窩堡西西受一小河曰箐子溝河合北

流逕周倉店少西新立河自西來入焉河出雙城廳宋家屯

西入阿什河折而北西受前二道溝

西流數十里入阿什河土又北西受後二道溝河河出廳西

人呼其地為新開口也又北西受一小河河出廳西

北逕白城東金之上京也西受一小河河出廳西

又北逕阿勒楚喀城東分流繞古刺屯正流折而

西而北西受一小河河出廳西又北分流之水自

南復合又北海溝河自東入焉河即金史之海古勒水也大小二源

並出廳西南大分水嶺北源曰大海溝河出嶺北

直西流逕頭道關門折而北茂石河合一小水自

東入之又西北逕馬窩堡西小海溝河自嶺西

北流來會即南源也合而北而西一小河合三源

自北入焉又西北南受太平溝河河出廳西又

西入阿什河

西北東受後進屯三小河三河並出後進屯西次第入阿什河南受

廟台灣河河出廳西前三家屯又西北逕馬家屯西受長林

子河河出廳西長林子又北逕馬廠甸西入混同江

又東逕石人溝北白魚泡合橫道河自西南入焉

二河並出廳西長林子北東北入混同江

又東北斐克圖河自東南來注之

斐克圖河一曰弗朵禿音同字異也源出廳南石

洞山西北流三十餘里逕千家窩堡南受安巴佈

拉庫河安巴或作爾奔字之訛也河出廳南弔水湖西流逕王家店折北流受西來之李家

屯河又北受西來之左家屯河又北受西來之西溝河三河並出廳南山東流入安巴佈拉庫河合

而東入斐克圖河又北逕元寶山西折西流北受高麗溝

河河出廳西又西而南南受大舍利河河出廳西

山北小團山又西受南來之柳樹河河出廳西

里西北流四十又西受南來之柳樹河河出廳西

又西分南北流數里而合南受草廠河河出廳北

受徐家堡河河出廳北又西逕斐克圖站東折西北

流南受小舍利河河出廳東南呼蘭峯今呼為煙筒碓子者是也兩源分流而西

數十里折北流合為一又西北逕大團山西受興

隆溝河河出廳北又北逕古城西入混同江

又東北逕太平川北屈東南逕滿井東南受稗子溝

河

稗子溝河出廳西北大團山合兩源東北流南受朝陽河合而東逕東古城北入混同江

又東南南受烏兒河

烏兒河出廳北小團山北流西受兩小河合注混

同江

少東受南來之紅石碕河

紅石碕河出廳西東北逕楊家大橋西折西北故

又名楊家大橋河又西北入混同江

折而南而東而北逕半拉山西海里渾河自南來入之

海里渾河亦出廳東南石洞山凡三源西曰頭道

海里渾河東曰二道海里渾河又東曰三道海里

渾河北流逕廟兒嶺東而合又北流西受五道林

河河出廳南小山北流貫廳城而北西受一小水又北逕劉家堡南折而東入海里渾河又

北入混同江

又東分一小水而南折東流南受三道溝又東復合

少東馬蛇河自南來入焉

馬蛇河即頭道河也出自廟兒嶺東東北流南受

三岔河河凡三源西曰西三岔東曰腰三岔又東曰東三岔東北流合焉曰三岔河逕水師

營西合於頭道河合北流曰馬蛇河北注混同江

又東北耬板河自南來注之

耬板河出廳東南桃兒山東北流逕楊木橋河西

西受元寶溝河河出廳南嘉松阿山直東流南受

隊又東北逕老營口街東東受東坡閘河出河

又東北逕蔭子屯東東受恆

道河河出廳東分水嶺合兩源直西流南受萬人

愁河折西北受朝陽河又西北逕長發屯

又東北逕姚家屯西入於

久東流陶淇河自南來入之

陶淇河出廳東城牆磗子西北流東受五道歲子

河又西北南受一小水又西北入混同江

又東逕向陽川北自此江之北岸界三姓城又東南

南受大泡河

大泡河出向陽川東南受半截河又東流南受石

洞河又東入混同江

又東南擺渡河自南來入之

擺渡河出廳東分水嶺西北流西受高麗帽子河

折東北東受小擺渡河河出腰嶺北又北西受小水一

東受小水一水出白石磗山又北入混同江

又東白魚圈河黃魚圈河瓜蘭川河張窩堡河王保

河黑河並自南來入之

諸河並出廳東諸山皆分水嶺之支流也嶺南之水皆入瑪延河嶺北之水皆入混同江

又東瑪延河合數十水自西南來注之

又瑪延河出甯古塔西北畢展窩集西北流入廳東

南境九十餘里南受小石頭河河出廳東南老嶺根又西北

十餘里北受養魚池河河出瑪延大嶺又西北三十里南

受七道河河出廳東南圍荒地又西十餘里逕長岡南北受

金沙河河出廳東南雙台子又西十餘里逕南陽川南倭沙

河自南來注之河出甯古塔西北境入廳東南逕大肚川西受來自鍋盔頂山之

小水一合西流二十餘里折東北五十里許北入瑪延河又西北五十里南受

搭連泡河河出廳東南涼帽頂子山又西北二十餘里南受大

沙河河出廳東南一面坡又西北十餘里東受小水一又三

十里許逕于家營折西流西烏吉密河自南來注

之河出廳東南西烏吉密山東流而北南受花曲河合北流入瑪延河其合處為渡

口少西折東北流西亮子河自西來注之河出廳東南大

青山南流而東牛心山河自北來入合東流入瑪延河又東北百餘里左受

小水一及雙磳子水花磳子水阜山屯水橫頭山

水右受金沙泡空心柳河通河泡及無名小水三

又東北逕街基南黃玉河自南來入之河出廳東南大青山

南流折而西長壽泡自南入焉又西北逕元寶山
東元羊碕子河自南折東流入焉又西北折而東
東受楊木河又北西受金沙河小平安又東北逕
河平安堡河合而北而東北入瑪延河又東北逕
瑪延巡檢司東南受石洛河河出廳東又東北南
受長壽河一曰西長壽河別東長壽河言之也又
東北逕仁和公屯西西受柳樹河水嶺合兩源東
南流南受來自橫頭山之板石河又東南又東北
楊木頂子河自北來合折而東入瑪延河又東北
西受三合店河金沙河二河並出廳東受東長壽
河河出廳東南雙碕子山少北東烏吉密河自東
來注之河出廳東南又東北東受小水二西受小
林河大林河二河並出廳東又東北東受金鳳河

河出馬 荆家台河河出金金坑河河亦出西受小
柳樹河大柳樹河河並出至少北東受關門嘴子

河自其發源又東北西受二道坡子河以所經又
東北東亮子河自東來入焉北流逕三合頂東受

南來之大青山河折東北逕千峯山東錫林河自
瑪延河大嶺來西流入焉又東北驛馬河亦自大
嶺來注即伊勒門河也又東北東受大遂河又東
北受小遂河輿圖所謂綏哈河者也皆出自廳東
老嶺又西北小石頭河自東又東北東受石頭河
南來入西北流人瑪延河又東北西受小水二並
西出廳東老嶺根北流而又東北西受小水二並
廳東雙 又東北桶子河自西來入焉河出廳東腰
鳳山 又東北桶子河自西來入焉嶺兩源合而
東北受白碕山河自所出名之也又東受西自歪
頭碕子來之大珠子林河又東受北來之二道河

又東受北來之三道河合而東逕向陽川南入於瑪延河又東北東受黃泥河河出廳東老嶺根西北流北岸界三姓城又西北七十餘里小黃泥河南自大平山西北流來合又西口北入瑪延河又北逕海家屯東岸界三姓城又北入混同江

混同江又東北入三姓城界又東方正泡彈弓泡蒲
葡萄橫頭泡黃泥河楚山泡諸水自南次第來注之
又東北富拉渾河林子河小橋河薩林河諸水自北
次第來注之折東南流逕大羅拉密山北又折而東
北北受崇古爾庫站河南受永起河又東北逕小羅
拉密山北北受打沖河南受黑瞻溝河又東北北受

化什哈泡南受瓦洪河又東北南受郭卜奇希河北
受錫伯河又東北南受朱奇河北受二道河又東北
北受頭道河南受達林河又東北北受大小胡特亨
河

二河並出三姓西恆虎頭山土人呼曰古洞河則
胡特亨之聲轉或曰咕嚙則古洞之誤字也大特
亨河逕大胡特亨噶珊東小胡特亨河逕小胡特
亨噶珊東次第入混同江

又東逕妙噶珊站南牡丹江自南來注之

牡丹江自其發源之處言之也至甯古塔以下曰

瑚爾哈亦曰虎爾哈即唐之忽汗金之呼里改路

元之忽爾哈路明一統志所謂胡里改江出建州

東南山下東北匯為鏡泊者也第明志又別出忽

兒海忽汗分一水為三水則大誤耳其上游則曰

牡丹江水道提綱以為按出虎水非也安出虎水

為今阿勒楚喀河地望音譯俱合與瑚爾哈源流

迥別豈可混為一稱哉牡丹江源出敦化縣西南

北老嶺長白山北徑三百餘里之幹山也重阜修巖

受聯峯接勢水出其北東北流逕帽兒山南有四道

溝河自西南來入之河出縣西南山又東北逕懷德鄉西

受黃泥河河出縣西南紅石碛東流六十餘里入牡丹江又東北逕屏風

山西西受大石頭河河亦出紅石碛又東北逕滴搭背東

受小水二水出屏風山北又東北逕劉家屯東西受半截

河河出縣西太平山東流過縣南五里許自城東入江又東北過縣東小石

頭河自西來入之河出縣西小青山東流七十里許過縣城北至其東北入牡丹江

又東北有葦子溝河自西來入之河出縣東北無名山自北

而南曰後葦子溝折而東日前葦子溝東入牡丹江折而北有雷風溪河自

西南合眾水來入之

雷風溪河源出烏松礮子東北流數十里朝陽

河合三水日宋家店河日礮手營河日黃泥河自西來入之折東

流受南來之興隆河河出縣東高松樹嶺又東受南來之

橫道河河出縣東朝陽岡東入牡丹江

牡丹江又北有蝦蟆塘河河出縣北牡丹岡自西來入之

珊延穆克河合眾水自東來入之

珊延穆克河金史世紀所謂舍音水完顏部者

也源出縣東南廟爾嶺土人呼為大石頭河西

北流二十里受東南來之頭道河河出縣南少雙廟嶺

受北有二道河自西南來入之又北流三道河自

山西南來入之兩河皆出縣東南高麗帽山又東北而富勒佳

受哈河合眾水自東北來會

富勒佳哈河即富爾吉哈河土人呼曰富家亮

子自敦化縣東北發源南流數十里受東北來

之兩水在東者曰柳溝河在西者曰黃泥河折南流數十里合為一入富家亮子河

入西南流三十里許受北來之沙河河出縣東北駱駝磧子直

南流西分一支流是為沙河沿復南流西合一小水入富家亮子河又西南南受

板橋河即盤巧河也源出哈爾巴嶺西之朝陽磧子北流三十里許入富家亮子河

又西流受南來一小水曰梁水泉子稍西與珊延穆

克河合珊延穆克河既合富家亮子河折北流

受西南一小水曰小石頭河子折北東流受東來一水

水出二龍山兩源合為一西入珊延穆克河屈北流沙河沿水自東

來入水為沙河分支直西流逕高麗又西北馬

鹿溝河自東北合眾水而西來入之馬鹿溝自縣東北山

發源西流數十里有頭二三四凡四道溝水自南來入之復西流折而南而西入於珊延穆克

河復西流徑通溝嶺而北而西入於牡丹江其

西岸與蝦蟆塘河相直也

牡丹江又北流黑石河自西來又魚河自東來交

入之黑石河源曰灣灣河東流數十里又魚河源曰招尾巴河西流數十里交入牡丹河水口

相直如又北流折而東大臧號河自西來入之

十字焉

大臧號河即大沙河源出敦化縣西南之烏松

礮子與雷風溪河僅隔一山自其處西北流數

十里受西南來一水折北流受東南來一水益

北流有小臧號河自西合三源來入之折東北

流逕小臧號嶺北受南來一水又東北有臧號

河自東來入之合東流數十里與朱魯多觀河

鄂穆索河合

朱魯多觀河土人呼曰朱爾多河源出敦化縣

西北白石礮山蓋塞齊窩集之支峯也東南流

數十里至朱爾多河渡口有伊奇松河自西來

入之伊奇松河出自塞齊窩集合兩源西流數十里受北來一水逕伊奇松站東入朱魯

自北來會

鄂穆索河有兩源東曰東馬鹿溝西曰西馬鹿溝各西東流數十里合為一曰鄂穆索河南流數十里逕鄂穆赫索羅站東而南合朱魯多觀河兩河既合稍南流會西來之大臧艘河合而東受西來之蘇子河河自青山子發源東流數十里入於三河會處又稍東受北來一水東入牡丹江土人謂之三岔口也通志入朱魯多觀河之水尙有山壁河安達爾琦部名也河不知於今何屬矣人之世東北牡丹江又東有都林谷河自北合數水來入之

都林谷河今呼曰都陵河源出塞齊窩集南流

數十里東岸界甯古塔西受佛多和河今名橫道河出

塞齊窩集合兩源東南又南流受西來之當石

河當石河合四水流數十里東入都陵河通志

牡丹江以地望診之疑又南逕小江歲東入於

牡丹江

牡丹江又東北岸界甯古塔有三道登什庫二道

登什庫河合為一自北來注之又東有頭道登什

庫河自北來注之各長數十里又東南岸亦入甯古塔

界有塔拉河合阿拉河自北來注之

塔拉河出畢爾罕窩集分兩源繞塔拉站左右南流合爲一又南受東來之阿拉河

阿拉河一曰阿蘭土人呼爲阿爾蘭阿爾阿拉聲音輕重之殊阿爾蘭阿爾蘭語言緩急之異耳亦出畢爾罕窩集南流折而西入塔拉河俱南

注牡丹江

牡丹江又東有托罕河自南來注之河出城南大山屈東

北流大空其穆河自東南來入之又東北小空其

穆河自東南來入之珠克騰河自西北來入之兩

其穆河皆出敦化縣界西北入牡丹江小河對岸即珠克騰河珠克騰河土人呼曰珠克敦源出畢爾罕窩集東南入牡丹江

入江處有朱克敦渡口又東北數十里受諸水

滙爲巨澤曰畢爾騰湖所謂鏡泊湖也自西南而

東北狹長七十里南北徑二十餘里中有老鸛山

道士山小孤山大孤山凡四道士小孤兩山之間

有巖曰珍珠門盛京通志曰中有三山名鄂摩和昂阿山阿克善山牛象山阿克

善牛象兩山之湖之西南牡丹江水入湖之處有

一崖曰呼克圖峯湖水東注飛瀑跳空奔浪雷吼

聲聞數十里土人名曰發庫唐入所謂渤海王城

臨忽汗海者即此湖之南曰南湖頭有札津河自

南來入之

札津河亦曰札珠今呼曰夾溪河出自瑪爾瑚
哩窩集分兩源土人以大小夾溪河別之北流
數十里合爲一入畢爾騰湖其東卽松吉河也
松吉河今日松音河吉音形近致誤亦出瑪爾
瑚哩窩集自南來合兩源西北流數十里入畢
爾騰湖河北岸有松音卡倫在焉又東曰柳樹
河小水又北曰阿布河亦小
阿布河亦出瑪爾瑚哩窩集合小水六西北入
畢爾騰湖又其北曰石頭河亦小又東北有一
水屈曲西流數十里入畢爾騰湖其水口正直

大孤山也湖之北曰北湖頭其西北有畢拉罕

河

畢拉罕河源出畢拉罕窩集又曰半拉窩集者
音訛也東流十餘里受東北來之愛喀河又東
數十里逕畢拉罕站之南受南來二小水其東
有額伊呼河逕站東而南來入之合流入畢爾
騰湖其旁有鄂摩和湖源出畢拉罕窩集南流
入畢爾騰湖其北卽德林石矣
德林石土人曰德林倭赫倭赫

國語謂石也自鄂摩和湖東繞沙蘭站之南至湖

爾哈河廣二十餘里袤百餘里石平如鏡孔洞大小不可數計或圓或方或六隅八隅如井如盆如池或口如盂而中如洞深或丈計或數尺中有泉澄然凝碧夏無蚊蟲馬鹿羣嬉名曰德林石又相連有石頭甸子俗呼黑石甸子石縫中或魚躍出人每得之甸上草木皆異黃蒿松卽生其處車馬行其上如聞空洞之聲其石塊或損便有水從罅隙出探之深不可測迤西十餘里有海眼季春冰泮水流石下聲如雷吼海眼在石頭甸子西十餘里萬山中有池周八

十餘里每日三潮與海水相應仲夏日初出時恆有巨魚湧出高三丈許長十餘丈飛鳥不敢過其上至巳午時始沒其出時眾魚隨之皆浮水面漁者因其出而網焉必大獲

牡丹江自發源至入鏡泊湖無異名鏡泊湖之北曰北湖頭水自其處東北流始名曰瑚爾哈河蓋忽汗之音轉也行十餘里折而北逕弔水樓東三道河自西來入之河自城西小山合三源南流而東逕德林石卡倫北醜爲二源自西來合行十餘里復合東注瑚爾哈河杏花山牛樣子山二水自東來入之又北二道河自西來入之河合兩源

南流折而東數十
里入瑚爾哈河

又北逕東京城今呼敦京城東敦音轉西

北折而東頭道河自西來入焉河即波泥河也源出雞蛋石南流折

而東逕沙蘭站南沙蘭河自北入焉又東受北來

一小水折南流一小水自西來注少南入瑚爾哈

河又東逕三靈墳而東有瑪勒呼哩河自南來注

之楊木台河自北來注之瑪勒呼哩河一日馬兒虎出自瑪爾瑚哩窩集

今所謂老松嶺也在甯古塔城南一百四五十里合數源土人呼為六道河屈曲北流受東來一水

逕瑪勒瑚哩站西有一水自東來注之益北流東

西有二小水交注之復北受西來二水北入瑚爾

哈河對岸楊木台河自西來經舊街基南張家嶺

西折南流入瑚爾哈河水口與瑪勒瑚哩河南北

相值如十字焉又東逕大牡丹屯北受大牡丹屯河又東

過甯古塔城南有哈瑪河自南來注之河出城南老松嶺兩

源岐發日二道河日三道河合西北流折而北廟兒嶺水自西來注之又北受東來之梳爾綽河一

日索爾霍綽又東北東受小水一又北入瑚爾哈河

又東有蝦蟆河自東南來注之河出城南山西又北過甯古塔城東塔

克通阿河自東來注之河今日哈雲哈河出塔克通阿窩集直西流南受小

水二北受小水一又西逕大王山南一水合二源

自南來注之又南受蓮花街水西入瑚爾哈河

又北西受伊蘭岡水水出張家嶺合三源東逕甯古塔城北入瑚爾哈河又

東北東受商音河河一日商堅畢拉罕今日白利哈達出商音畢拉罕窩集西入

瑚爾哈河又北而西東受呼錫哈里河河出呼錫哈里窩集西北流

數十里入瑚爾哈河又西而北興鎮里温車痕河自東來注

之河出城東北山一日興哲哩温徹亨譯音本無定字也西北流數十里入呼爾哈河又東

北逕龍首山海蘭河自西來入之

海蘭河一曰駭浪河源出五常廳賓州廳交界

處之海蘭窩集東南流入甯古塔城西北折而

南受西來小水一又折而東受北來小水一

並出城西北山合而南有拉哈密河自西南來注之

小圍折而南流雞卵石水自西來注之醜為二

東流數十里逕舊街基北而合有瑪展河自西

北來注之即密占河也出密占窩集東南流數十里入海蘭河益東北北

受商石河即舍赫河出舍赫窩集西受北歲子河合而南入海蘭河折東流

北受紅甸子河通志所謂鄂克托河出自距甯古塔城九十里無名小山者也

又東受帳房山河又東受石道河河並出城北山南入海蘭

又東逕卡倫山入瑚爾哈河

瑚爾哈河受海蘭河而東有尼葉黑河自東南來

注之河出尼葉赫窩集即城東北之四道嶺也或呼作躡黑河者語音緩急之異今俗謂之也

河凡二原西北逕也又北特林河自東來注之

特林窩集即城東北之大嶺合兩源兩流北受小

水一南受小水一又西逕四道嶺南受磨刀河

出城東北磨刀石折西北鐵嶺河合小水二自東

來會蓋特林河之分支以音轉誤分為二耳合而

西入瑚爾哈河又折而北受東來一小河即齊克騰也又北烏

赫林河自東來注之河即通志之穆哈連也今謂之烏府林或作五合嶺或作

烏和林皆對音字源出穆哈連嶺西南流南受阿

濟格蘇和辰北受小烏赫林河合而西入瑚爾哈

河富達密河自西來注之河出富達密窩集又北有樺樹

林河自東注焉河出城北山分兩源夾頭站西流數十里而合又數十里西入瑚爾

哈又屈而北有江密峯河自東來薩林河自西來

交注之江密峯河出城北出薩林河即薩爾布河也出薩爾布窩集又北東受

小水二西受頭道河又北有哈圖河自東來飛來

河甯羅河自西來並注之哈圖河出白草甸子西流數十里醞為二分入

瑚爾哈河其南支對岸即飛來河飛來河源出城

北山甯羅河即舒蘭河也又作青蘿蓋舒或作書

書青形近蘿蘭聲近緣以致誤今又訛為甯羅

矣源出舒蘭窩集東流百里許入瑚爾哈河又

北逕三道卡倫西受錫林河河出城北山今呼細鱗河東受小

水四皆無名西受阿穆蘭河河出阿穆蘭窩集又東北入三

姓界西受三道河即安巴河也源出安巴窩集所謂老嶺即此在三姓城南三百

餘里河南為甯古塔界河自其處曲折東北行二百餘里入瑚爾哈河折西北逕門

坎子哨又東北受南來小水二折而西小夾皮溝

河自西來注之又北蓮花泡自東入焉又東呼蘭

河自南入焉今呼煙筒山河又北東受柳樹河諸河並出城南山

西受小迎門石河河出小迎門石又北逕扁擔嶺西四道

三道二道頭道諸河自東入焉河並出城南懶柳子山又北

逕三站西東受三道河西受四道河又東北逕城

牆磴子東東受大鍋盔頂子河河出其山又北逕五箇

頂子西西受五道河又東北逕烏斯渾卡倫烏斯

渾河自東南注焉

河一曰阿思罕出三姓城東南三百餘里之烏斯渾畢拉窩集

合二源直北流東受龍瓜溝河又北東受額和勒河又北東受湖水畢拉河又北東受西白棱河折

西北逕烏斯渾卡倫北入瑚爾哈河又西北東受礮松頂子五河西

受尼什哈一河又北廟兒嶺河自東注焉又北而

東碾子溝河自南注焉又東北逕松樹嶺東伯勒

河自東南來注之河出廟兒嶺西北流南合小河沿蓮花泡二水北注瑚爾哈河

又東北過三姓城西二里許北入混同江

混同江既受瑚爾哈河過三姓城北稍東窩肯河自

東南來注之

窩肯河今日倭坑河又曰倭和江源出富克錦城

南七星磧子西南流入三姓東北界東北岔河西

北岔河自左右來交注之又西南逕石頭哨南南

受西金別拉別拉即畢喇澤言河也源出城東南老嶺北入窩肯河又西南

南受茄子河河亦出老嶺又西南南受奇塔河北受樹

椿樓河奇塔河源出礮松頂子樹椿樓河出樹椿樓山又西南逕阿爾卜

善山南南受楊樹小駝腰偏臉子陡溝子四河又

西南逕大巴爾蘭山南南受大碾子河又西南逕

小巴爾蘭山南南受小碾子杏樹溝二河屈西北

流南受赫蘭珠岡河又西北南受羗羊河又西北

南受吉新河今日雞心河又西北北受奇呼里河河出樺皮

溝 又西北南受半結河北受巴呼里河河亦曰巴和里盛

京通志別出之以為兩水非也源亦出樺皮溝 又西北南受二道河頭道

河北受半結河又西逕喀穆圖山今呼為哈馬塘南受魚

眼泡折而北逕土龍山西蘇木河自東注焉河出草帽

頂子 又北逕珊延倭赫西珊延白也倭赫石也或去珊字徑以為燕窩河

非也 阿穆達河自東注焉又西北過三姓城東北逕

窩肯哈達山根入混同江

混同江既受窩肯河又東北巴蘭河自西北來注之

巴蘭河自黑龍江呼蘭廳來南流入三姓北境折

而東有元寶山河自東北來合北來之滿天星河

又同注之合而南受西來之妙噶珊河逕妙噶珊站
入混同江

又東北北受拉穆河又東北北受烏風浪河又東北

瓦丹河自北來注之穆舒圖河自南來注之又東北

逕湯旺河卡倫南湯旺河自北來注之

諸河並出黑龍江呼蘭廳界南流入三姓北境湯

旺河即桃温河元之桃温萬戶府地桃温二字合

音為屯故亦稱屯河今則訛為湯旺矣源出屯窩

集南流入三姓北境逕松訥城北東南流西受僧

木坑水合入混同江

又東北受南來小水一又折而東北岸屬黑龍江又東逕殷達穆卡倫入富克錦城界殷達穆河自東南來注之

殷達穆河源出那丹哈達拉山土名小黑山者也西流折而北東岸界富克錦受東來一水合爲一

北入混同江

又東逕德依亨山德依亨河自南注之又東逕古城北南受哈達密河又東北南受喀爾庫瑪河

喀爾庫瑪河源出伊把丹山

又東南分支東流爲安巴河行百里許復合又東過

富克錦城北東北流逕圖斯科西東溢一水爲黑河又東北逕黑河卡倫西黑龍江自西北來會自此以上江之西岸亦入黑龍江界其北則俄羅斯之徐爾固鎮也混同江水色黃黑龍江水色深黑至此合流黃水在南黑水在北行七百餘里至伯利二色始融徐爾固西南二方無山東北二方有山圍繞如城垣狀北山自外興安嶺分支向南迤邐而來西分精奇里尼滿二水入黑龍江東分恆滾格林庫魯三水入混同江其山至徐爾固正北落爲平陽凡東北數十里外山皆其麓也東面數十里外街基額圖諸山由

長白山東北分支經哈爾巴嶺出牡丹江東與凱湖
西曲折東北行盡於混同江南岸與北山同爲兩江
門戶云混同江又東北逕街津噶珊北黑河自西來
入又東北逕阿穆集山北奇穆尼河自北來入之

奇穆尼河源出奇穆尼窩集在畢瞻窩集東北三
百里其北三百里爲格林窩集皆林嶂秀阻人跡
罕交河南行百數十里合西來一水屈東南流百
數十里合北來一水揚波南注統成一川東南流
又三百里許入混同江
其南溢出一水爲農江又東北逕科勒穆洪庫西濃

江自西入焉

濃江自混同江溢經鄂里米噶珊西東流百餘里
逕色勒街庫南受南來一水又東北流六十餘里
一小水自南入焉又北入混同江東距富克錦城
三百三十五里

又北而東受烏蘇里江支渠之水所謂通江也又東
北百里許烏蘇里江自南來會

烏蘇里江一名烏子江又呼戊子江源出錫赫特
山在甯古塔城東一千餘里琿春城南卽渤海東
京龍原府元和羅噶路地也山起琿春東南海濱

蜿蜒數千里至混同江入海處止凡山東入海之

水山西入烏蘇里混同二江之水皆自此山發之

實一大分水嶺也烏蘇里江自其山西北流西受

法納圖河即法勒圖也源出江西南無名小山東受福金河亦曰福

自錫赫特山兩泉歧發合一水西入烏蘇里江又西北逕能圖山東受能

圖河河出東南窩集中三泉奇發西北流又北而

西東受努喀密河今日嫩屯河嫩屯能圖一聲之轉誤分爲二而努喀密之本名

反湮矣河出東南窩集分兩源西北流逕密瞻山南麓西入烏蘇里江又西逕瑚葉

昂阿北瑚葉河東合小水一自南注焉瑚葉一作

葉路也河出大山松林中西北流東受一水亦曰瑚葉河蓋本支流或書作呼雅分爲二河非也西

入烏蘇里江其水口曰又折而北逕勒富特勒庫

山東瑚爾穆河自東注焉河出大山松林中合四源西北流逕密瞻山

爾穆山之閒西又北西受伊魯河河出伊魯山又北東

受噶爾瑪河河出噶爾瑪山西北流逕穆克穆里山西入烏蘇里江又西而

北興凱湖東流之松阿察河自東南來入之

興凱湖一曰新開湖周八百里與洞庭埒而冬

夏不涸尤爲可觀蓋來源之遠大不及洞庭而

出口細小較洞庭尤有含蓄也其西沿適中之

地爲俄鎮之紅土崖由紅土崖正南循鐵綫道

二百二十九里弱爲雙城子正北偏西爲蜂密

山西北行七百里至三姓正西行四百里抵甯
古塔卽明一統志之鏡泊北有小湖曰達巴庫
與此湖潮汐通焉環湖之水東則半泡子河南
則雷風橫道二河西則毛爾畢南至河北至河
網房子河夕陽河烏札庫河白稜河俱匯於此
湖東北出口之水卽爲松阿察河亦字界牌在
焉中俄於此分界河外爲俄界河內爲龍王廟
甯古塔屬地也水流一綫曲折萬千輪船入湖
道必由此東北流三百餘里注於烏蘇里江
烏蘇里江又北東溢爲金銀泡又北西受小穆稜

河河出蘇爾得山又北逕春柏勒庫流醜爲二又北復合

又北東受庫爾布新河又北東受呢滿河二河並出東北

山又東北大穆稜河自西南來注之

大穆稜河一曰莫力河源出穆稜窩集三源奇

發東北流受西南來一水曰柳芽河次東北受

西來一水次東北受東南來之三音畢拉罕河

又北長嶺子河合廟兒嶺河自西北來注長嶺子河

一曰黑王嶺河次東北逕紅廟兒嶺南受一小水次東

北逕三站西西受一小水次東北亮子河南合

一小水自東注焉亮子河卽達爾瑚河也次東北二道老

爺嶺河自西南來注次東北西受哈達河河自三姓

來次東北南受黃泥河河出黃窩集山次東北下亮子

河自南來郭奎河自北來交注之下亮子河出尖山郭奎河

自富克錦來次東北水曲柳河自南來注次東北北

受和圖河河自富克錦來又東北南受小水一次東北

受拉字界口河次東北太平碓子河合斐底河

自西北來注之斐底河來自富克錦又東北北受石頭河

河自富克錦來又東逕蘭爾得山巴蘭窩集河自西來

入之河一日半拉窩集巴蘭之音轉也出城東黑鬍子山又東北入烏蘇

里江北岸界富克錦

烏蘇里江既受大穆稜河入富克錦城界又東北

奇虎林河自西來注之河出奇虎林山東南流錯入窩古塔折東北復入三

姓又東北入又東北錫布克里河自西來注之河

烏蘇里江又東北東受愛心泡及西北湖二水又東

力克山安巴依又東北東受愛心泡及西北湖二水又東

北西受阿布欽河河出西芬鬍山又東北東受雞心小清

二河又東北諾羅河自西來注之

諾羅河一名撓力河出自富克錦界之老嶺兩

源共合東北流受南來之喀穆圖河今日哈瑪

通河源出七虎林山在富克錦城南三百三十里入撓力河次東北受佛

倫窩集北麓之水又東北受西來之依瓦魯河

源出阿爾哈山至富克錦城又東北有博親河

東南二百五十里入撓力河

自南來注之博親或曰波親今日寶清輿圖作

傅親誤也源出佛倫山至富克錦城東又東北

有大齊勒欽河合威罕珠河自西來注之又東

北有小齊勒欽河自南來注之大齊勒欽河源

出佛倫山在富

克錦城東南二百八十里入撓力河小齊勒欽

河源出阿爾哈山至富克錦城東南二百二十

里入撓力河齊勒欽即古之錫拉忻路一統輿

圖作西拉布西錫音同布則字之誤也今正之

威哈珠河出自西南窩集東北流經鄂爾和拉

山南東流入錫拉河同注諾羅河又東有大佳

奇河小佳奇河自南來注之大佳奇河源出安

巴依克特力山至

富克錦城東南二百三十里入撓力河小佳奇

河亦出安巴依克特力山至富克錦城東南二

百七十里入撓力河諾羅河受諸水總成一川東北流經

諾羅噶珊北東入烏蘇里江

烏蘇里江又東北東受大清朱克德奇罕爾燕窩

敖翁萬達六河諸河並出江又東北畢拉彥河自

西來注之畢拉彥亦作畢蘭音出自和圖喀又東

北東受畢歆新開阿滿三河河並出江又東北西

分一支流入混同江舊目此河為菟里其入經流

又東而北東受牯牛青牛七里空三河其地為俄

鎮伯利地方即唐之勃利州也西南去三姓城一

千六百餘里江自東南海岸錫赫特山發源畢會
西北之水至此凡二千三百餘里矣

混同江既會烏蘇里江水勢愈盛北流有庫魯河自
西北來注之

庫魯河源出庫魯窩集合兩源受北來一水東南
流七百餘里逕萬達山西麓東南入混同江

又東北有敦敦河自東南注之

敦敦河源出整整窩集亦曰明噶里窩集自東合
五水西北流五百餘里入於混同江

又北有博敦河自東來注之有布庫河自西來注之

博敦河出自東海岸窩集中合二源西流二百里
許注混同江

布庫河出自萬達山北麓合兩源東北流入混同
江與博敦河東西相直水口如十字

又北有畢喀里河又北有查克蒐爾河皆自東南來
注之

畢喀里河源出莊藹窩集西北流入混同江

查克蒐爾河亦出莊藹窩集西北流入混同江

又北有克齊河自西來注之

克齊河北有池曰富達里塔爾噶其東北曰墨勒

奇塔爾噶其東南在混同江之東者曰和縣塔爾噶皆左右夾注於混同江

又北對罕河自西來注之

對罕河亦曰兌根河源出西北山東南流逕墨勒

奇塔爾噶池北入混同江

又北有畢勒圖河自東南來注之

畢勒圖河源出自東南山中合兩源西北流百餘

里經巴哈里噶珊北和里噶珊南注於混同江

又北有格楞河自西南千里來注之

格楞河源出格楞窩集在奇穆尼河源北三百里

有二源北源東南流數十里受西來一水又東南

九十里而南源東北流百餘里至此合焉又東北

百里許受西南來一水又東受西北來一水又東

北屈東流有多索密河自西北來入之

合三水東南流三百餘里注格楞河又東南三百里瀦為克音湖出

湖北流百餘里入混同江

又北有庫勒古河自西北來注之

庫勒古河出自西北松林中東南流二百餘里入

混同江

又東北有優克特河自東南來注之

優克特河自東南山中西北流三百里許入混同江。

又東北哈爾吉河自東南來注之。

哈爾吉河出自東南山西北流二百餘里入混同江。

又北喜拉遜河自東南來注之。

喜拉遜河源出東海岸大山合二源西北流四百里許逕克圖哈噶珊南入混同江。

又東北有綽羅河都林河自西來注之齊克都哈河延塔哈河自東南並注之。

綽羅河出自甯古塔東北三千餘里松林中東流二百里許入混同江。

都林河亦出松林中東流百餘里入混同江。

齊克都哈河亦出自松林中合兩源東南流二百餘里入混同江。

延塔哈河出自東北無名小山西北流百里許入混同江。

又東北折正北有札依湖奇集泊自東南匯眾水來注之。

札依湖赫哲謂之札依侯溫侯溫湖也距烏蘇里

江口一千五百三十餘里混同江至此折向正北
湖居其東岸之南可二十餘里其北七十里卽奇
吉泊亦曰奇吉侯温徑約六七十里東踰山嶺二
十餘里卽庫葉海峽矣奇吉泊在混同江東南數
十里上源四西曰瑚依里河自南來會少東曰道
萬河自南流百里許來會次東曰錫拉希布河自
東南合兩源行二百里西北流來會又東南曰諾
穆登特河自東南合兩源西北流三百餘里來會
瀦爲泊自西北出流入混同江

又東北得鄂提河又北得一水又北得岳敏河並自

東南來注之

鄂提河自東南山中西北流百餘里入混同江其

北有池曰端塔爾噶

岳敏河亦自東南來西北流百里許瀦爲湖西入

混同江

又東北畢瞻河自西北來奎瑪阿塔爾噶池水自東
南來並注之

畢瞻河源出甯古塔城東北一千五百餘里之穆
里罕山合四水東流六百餘里逕色梭蘇大山南
入混同江

奎瑪阿塔爾噶池水自東來西北流百餘里瀦爲池自西北出入混同江

又東北有圖纏河次東北有梅庫河次東北有福達哈河自西北來有錫雅哩河自東南來次東北有瑪哈勒多河次東北有赫勒爾河自東南來並注之

圖纏河自西北松林中東流二百里許入混同江
梅庫河自西北松林東南流二百餘里入混同江
福達哈河自西北松林曲折東南流百餘里入混同江其東岸卽錫雅里河

錫雅里河來自東南山西北流百里許入混同江

瑪哈勒多河自東南山西北流百餘里入混同江
赫勒爾河西北流數十里入混同江

又東北發提音河又東北森奇勒河奇音河並自東南來注之

法提音河源自東海西岸大山西北流百餘里入混同江

森奇勒河

奇音河亦自海岸大山西北流數十里入混同江
又東北阿里奇河自東南來注之

阿里齊河源出自海岸大山西北流二百里許逕

穆和勒噶珊北西入混同江

又東北有亨滾河合數大水自西北來注之

亨滾河或曰恆滾或曰興滾一曰亨庚源出揚山

其北即外興安嶺南麓嶺北即康熙中與鄂羅斯

分界處也河出揚山之東隔嶺東麓曰亨滾尼河

源東流二百餘里合北來一水東南流百數十里

而合有哈達烏略河自南來入之河出尼滿河源之北中隔大嶺

自嶺北麓北流有西來二水合為一東注之次北又一水自西來注之又北三百餘里注興滾河

又東南流有額彌勒河自西北來注之河一作厄彌勒盛

京通志別出之以為二水非也源出富聶哩神山南流百餘里有亨庚窩集之水合二水自西北來

合為一東南流百餘里入興滾河又東南流有魯

庫河河出楚察馨山薩穆尼河河出九文山自北來伊穆河河出

揚古達拉哈河河出庫爾布山自南來左右交注之又東

南流經集達特噶城之東南注混同江源流幾二

千里

又東北有噶穆河自北來注之

噶穆河源出外興安嶺之南麓東南流二千餘里

經集達特喀城之北東注混同江

又東北有巴爾喀河自東南來喀圖密河自西北來

瀦為伊斯庫魯泊水出其東南口西北流來並注之

巴爾喀河出自海岸大山西麓西流百里許逕塔
克提音噶珊之西而北注混同江

額圖密河源出甯聶里神山東南流受北來一水
又東南受西來一水合而東瀦爲伊斯庫魯淀自
其東南口東注混同江

又東北有鄂達哩勒河又東北有克齊河均自東南
來齊林吉河自西北並注之

鄂達哩勒河亦出海岸山西北流入混同江其北
岸卽額圖密河

克齊河亦出海岸山北流逕阿拉哈噶珊西西注

混同江其對岸卽齊林吉河

齊林吉河自伊斯庫魯淀北東南流入混同江

又東北有岳米河次東北有里齊河次東北又有里
齊河次東北有法特哈河並自西北來注之

四水皆出自西北松林中各東南流百餘里入於
混同江

又東北逕提陽阿山西南瓦金噶珊之北爲入海初
口又東北逕札哈達噶珊之南受西北來之堪丹河
同入於海

堪丹河出自魯穆喀爾峯兩源歧發南流百餘里

總成一川東南流逕達布哈鄂佛羅之南入混同
江同入於海混同江北岸爲俄鎮廟爾距烏蘇里
江口二千二百七十餘里凡外興安嶺以南長白
山以北諸水俱匯於此由此向東偏南行百餘里
卽出海口口內有天然八島立島上可望見庫葉
島高山廟爾之北卽入海之甯涅河矣

吉林通志卷二十三

輿地志十一

山川六

水道下

鴨綠江之水第二

鴨綠江漢爲馬訾水漢書地理志元菟郡西蓋馬縣
馬訾水西北入鹽難水西南至西安平入海過郡二
行二千一百里通典云馬訾水一名鴨綠江者是也
郡二曰元菟曰遼東西安平漢遼東縣也二千二或
作一考漢志行千里之水大抵得今六百里今鴨綠
江源流千餘里正合漢時二千一百里之數作一千
者誤也水一名益州江卽渤海益州所治源出長白

山南麓通典所謂源出東北靺鞨白山者也去吉林

府東南六百里敦化縣正南少西三百里東與圖們

江源止隔一嶺亦曰分水嶺上有康熙中吉林與朝

鮮分界碑存焉文曰康熙五十一年大清烏拉總

管奉鴨綠東為圖們故於分水嶺上勒石為記

許東岸界朝鮮折而西三百里許南岸界朝鮮凡長

白以西連山南麓之水自二十一道溝至頭道溝皆

自北次第奔注之溝自東而西每水大抵相去十餘

里其流自北而南或長數十里或長百餘里不等江受諸水其勢始盛盛京通

志所謂長白山北諸泉南注匯為大江者也兒山南山在吉林府正折西南流入奉天通化縣界

赫爾蘇河之水第三案赫爾蘇河又北十餘里西受黃水

赫爾蘇河古之南蘇水也漢書地理志元菟郡高句

驪有南蘇水西北經塞外陳奩水道圖說謂今昌圖

廳東境赫爾蘇河西北流逕科爾沁左翼乃漢塞外

地也其水又西南入大遼水按漢高句驪縣兼有今

伊通州及奉天海龍廳地赫爾蘇河出海龍廳入伊

通州境皆漢塞內地其西北流出柳邊後逕蒙古部

落則塞外矣故知赫爾蘇河為南蘇水無疑河為遼

河上流故亦有外遼河之稱源出海龍廳西北平頂

山西北流逕赫爾蘇河台入伊通州西南境直北流

四十里逕鄭家屯又北二十里逕赫爾蘇站西又北十里大孤山河自東南來注之

大孤山河一曰昂邦雅哈河因其西有阿濟格雅哈河故以昂邦別之昂邦大也阿濟格小也河出

奉天海龍廳西北榆樹嶺西北流逕孤山河台入

伊通州西南境逕阿爾坦額墨勒站即大孤山站

也折而西逕莊家屯南受楊樹河河出州西小山又西受

小孤山河即阿濟格雅哈河也出州西小孤山又西逕北大嶺南入

赫爾蘇河之南赫水山對曹獻縣志云發源高回

又北三十餘里受張家溝河又北十餘里西受黃米

溝河又北十餘里出赫爾蘇邊門入奉天奉化縣界

赫爾蘇河入奉化縣遂名大遼河北流一百二十餘

里折而西二百里折南流八十里許入開原縣界又

南四十里瞻河合葉赫河自伊通州境西流注之

瞻河一曰沽源河入旗滿洲氏族通譜所謂沽地

方者是也俗呼濼河亦曰扣河源出奉天海龍廳

西北流入伊通州西逕歡喜嶺又西北逕鎮北堡

又西北逕前城子葉赫河自東來注之葉赫金史世紀之耶

悔也河出伊通州西嘎哈嶺俗呼為橫道河西北

流逕葉赫站又西北逕孤榆樹北受老虎洞溝又

西北逕蒙古霍羅站北北受折而西出威遠堡邊

門逕奉天開原縣入於大遼河

尼什哈河出塞赫里山在吉林西南四百餘里

迤東北流入赫爾蘇河

赫爾蘇河入奉天開原縣入於大遼河

大遼河入海

大遼河入海

大遼河入海

大遼河入海

大遼河入海

大遼河入海

圖門江之水第四

圖門江在琿春城東南四百里其南即朝鮮咸鏡道

漢之樂浪郡也金史世紀景祖兵勢稍振統門水溫

特赫部來附又天會九年以統門水以西和屯錫馨

珊沁以北間田給海蘭路穆昆又埒克傳埒克統門

琿春水合流之地烏庫里部人所云統門即圖門音

轉字耳皆此地也出長白山南麓分水嶺東麓凡二

源北曰下乙水南曰石乙水東流會於碧桃花甸南

合東北流左岸為朝鮮界又東北逕紅土山紅土河

自北來入之

紅土河出城西南山瀦爲圓池溢南流二十餘里
合入圖們江

又東逕長山嶺南長山嶺河自西北來入之

長山嶺河出大稊稽垛山東南流五十里入江

又東北大箕溝河自西北來入之

河亦出大稊稽垛山屈曲東南流七十里許入江

又東北折東南逕長坡嶺南外七道溝河自北入焉

河出長坡嶺西合兩源東南流五十里許入江

又東逕沙窩堡南紅溪河合眾水自北入焉

紅溪河亦出大稊稽垛山東流而南北受小水一

又南流西受小水二又南外馬鹿溝河合一小水

又自西來入之河出城西無名山與入松花之裏
鹿溝河僅隔一嶺自其處東流五十

餘里受北來一小水又折東南北受一小水又南

石人溝河自西入焉河出城西無名山東流
八十餘里入紅溪河又東

南逕紅溪河嶺受北來一小水合而南入圖們江

又東北逕望江台山外六道溝河自北入焉

六道溝河出城西小山南流三十里受西來一小

水又南三十里入江

又東北受枇杷溝河

河出無名山南流三十餘里入圖們江

又東北外五道溝河自西北入焉

河出無名山屈曲東南流百餘里入圖們江

又東北受石洞溝河

河出將軍石山東泡子沿東南流三十里入江

又東北外四道溝河自北來注之

河出牛心山東南流北受太平溝河又東南樺樹

條子河來自西北東合小外四道溝鱓廠溝河榆

樹條子河同入焉又東南入圖們江

又東北逕高麗歲子折東南流金沙溝河自東入焉

河出江北小山北合小水二西流三十里入江水

又南折而東而東北北受杉松背河

河出和龍峪南流二十里許入江

又東北逕和龍峪達呼哩溝河自北來入之

和龍峪城西山也通商總局在焉河出其東東合

小水三南流入江

又東北石門溝河自北入焉

河出城西無名山合一小水南流入江

又東北逕光霽峪馬平嶺河自西北來入之

光霽峪城西山也通商分局在焉河出其北以逕

又馬平嶺入江因以名之凡行三十里

又北逕小鍾城歲有二水合流自西入焉

二水南曰始建坪河北曰大花尖山河各出其山

又東流三十里合為一又東入江

又北逕豐都鎮折而東十三道噶雅河自北來注之

又十三道噶雅河即噶哈哩河也源出琿春城北一

百七十餘里小圖們山直西流北岸界甯古塔逕

三岔口北薩奇庫河自北來注之

又東薩奇庫河出甯古塔城南一百四十里老松嶺

又東南流東受三道河又東南受牛圈溝河又東

又南受石頭河河並出老松嶺西麓又東南逕薩奇庫站西

受駱駝碛子河河以山名東流數十里入薩奇庫河又東南逕小

水三岔口西受阿穆達河河出城東南山東流數十里南受小水四合而

東入薩奇庫河東受小噶雅河河出城東南山西流合

而南入十三道噶雅河河南琿春界也

十三道噶雅河又西南逕太平嶺東直南流東受

大荒溝河河出琿春城北山西流西受苦水河出

城北大紅歲子東流六十里逕瑚珠站南又東南

逕東歲子大小旺清河合諸水自東來入之大旺

出琿春東北山西流一百五十餘里小旺清河自

東北來凡行百餘里合尖山水入焉折西北流西

受長嶺子河東受夾皮溝河又西北東折西流逕

受大柳樹河小柳樹河合入噶雅河

鍋盜頂子折而南牡丹川河合數水自西入焉出河

西大坡東流數十里北受元羊碕子河又東哈瑪塘自北來入又東受北來之摩天嶺河又東入噶雅

又南西受白菜溝河河出牛山又東南廟嶺河窟

窪山河合入焉水各出其山東流數十又東南金

沙溝河合數水自北來入之金沙溝河出長嶺子直南流東受小水二

西受五人班河又南逕大坎站大坎河自東入焉又南南有小二道嶺河合三源北有新房子河各

西流逕尼什哈嶺合為一北又東南東受開枝溝

注金沙溝河又西入噶雅河

麗嶺河出高麗嶺又西南逕小盤嶺佈爾哈通河合十餘

水自西來入之

佈爾哈通河一曰布爾哈圖河源出敦化縣東

哈爾巴嶺東南流東受頭道溝北頭道溝二道

溝北二道溝四河又東南東受鱓廠溝河河出四方

台山西流七十餘里逕鳳頭山北入佈爾哈通河又東南逕鐵盤嶺東

受糧米台河又東南逕青龍山北受廟兒溝河

河出城西北山西流五十里折而南入佈爾哈通河又東流東受小廟溝

河北合一小水入佈爾哈通河又東南逕五峯

山南受柳樹河河出胡仙洞山又東南逕天寶山北礦

務局在焉又東南逕花碕山胡仙洞河自西來

注之河出城西北無名山東流逕天寶山南東入佈爾哈通河又東南逕偏

臉碕子西受錫林河一曰細鱗河出無又東南

逕煙筒碕子北太平溝河自北來入之河出五
合三源屈曲東流三十里許北有朝陽河小苦
水河分流南來逕西大坡南合爲一入焉又東
南入佈爾又東延吉河自北來入之河出煙集
哈通河又東逕夔圈山南海蘭河自西南
流五十里入又東逕夔圈山南海蘭河自西南
佈爾哈通河合數十水來注之

海蘭河金之海蘭路元之海蘭府地金史世紀
孩懶水烏林答部石顯拒阻不服又石適歡撫
納曷懶甸皆同音字實一地也今呼曰駭浪河
高麗嘗築九城於此或以鳳凰門外之九連城
當之非也用兵高麗事在康宗之世其時金之

疆未能極於西南且史明云九城則固爲星羅
碁布之勢而九連城實止一城此旣不合又史
云築城於海蘭甸而今鳳凰門地則固無此河
名史又云金之號令東南至於海蘭耶懶耶懶
卽雅蘭爲今吉林極東南地證之世宗紀海蘭
耶懶相去千里之說無不相符是亦九連城不
在西南之驗也元地理志海蘭府有海蘭河流
入於海亦卽此地但海蘭河會布爾哈通河以
達十三道噶雅河注於圖們江乃入於海元志
海蘭河入海之文亦失之不考也河出琿春西

二百八十里牛心山合三源東北流東受三道

溝河河出土山子又東北北受二道溝河河出富爾嶺東南流

北受小水一南受小水又東南北受頭道溝河

四合東南入海蘭河河出哈爾巴嶺南東南流北受小水又東折而

一南受小水一合東南入海蘭河河出八家子又東逕關門背南南

受五道溝河河出無名山東北流逕高麗歲子北入海蘭河又東逕馬

鞍山南六道溝河合七道溝河小七道溝河大

碯山河自南來注之河並出和龍峪北北流合為一入海蘭河又東

北南受墩臺溝河河出瑋春城西山又東北南受八道

河河亦出城西山北流入海蘭河又東北入佈爾哈通河

受佈爾哈通河既受海蘭河合東北流北受依蘭

南溝河河出西大坡東南流逕小磨盤山東又東南入佈爾哈通河又東北北

受葦子溝河河出廟嶺南屈東南入十三道噶雅河

十三道噶雅河又南入圖們江

又東逕大高麗嶺南大通河自北來注之

大通河出高麗嶺東南流北受和尚嶺水半截河

又東南東受泮子溝河合為一屈而南入圖們江

又東南逕空同山南北受涼水泉河

河出瑋春城北磨盤山西北流一百三十餘里灑

為二入圖們江

又東受乾河

河出高麗砥塔南入圖們江

又東受太平溝河

河出下窪子北

又東逕密瞻站密瞻河自東北來入之

密瞻河出密瞻窩集西南流南受大黃泥河又西流北受檳榔溝河又西南逕關門砦子北受梨樹溝河又西流南受小水一北受拐磨子溝河又西南北受東岡河又東南北受驟圈溝河又西南北受小砥塔河又西南北受一小河南受乾密瞻河

又西南逕荒山坡入圖們江

又東而南受老河身河

河出二道嶺子

又南受陰陽河

河出大青溝嶺

又南逕西步江琿春河自東北來入之

琿春舊作渾蠢金史世紀圖們渾蠢水之交有烏庫里部者是也河出琿春城東北通青山合三源西南流東受香房溝河又西南東受一小水又西南逕土門子招墾分局在焉小圖們河自北來入

灣溝河台馬溝河黑瞎背河次第自南來入少西

大圖們河自北入焉河出城北土門子山又西南北受六道

溝河六道溝河南受太平川開枝溝梨樹溝三

河又西南冰林河四方頂山二河北受五道溝河

大五道溝河又西杉松溝秀松溝河榆樹河四道

溝河小柳樹大柳樹河南受錫伯河錫伯盛京通志作壘泉

錫壘同聲字伯或作帛以形近而誤為泉實一水也今俗稱西北溝河亦轉寫之誤今為正之西

開枝溝河胡盧河俗呼胡盧畢拉河非是畢拉

與興安嶺同矣又西逕老龍口三道溝河合外郎溝河二

道溝河合小水一皆自北入焉少西沙金溝河荒

溝河頭道溝河自北入大紅旗屯河自南入焉少

西分支流南出繞八大屯而北復合北受駱駝河

又西過琿春城東而南而西車大人溝河自東北

來入焉河出城北後山屯西南流過琿春城西而南入琿春河又西南小二

道河合於大二道河自東入之又西南東受龍首

山河河出其山板石溝河少西入圖們江

又南西岸界朝鮮東受小河三

河並出城南火龍溝嶺

又東南東受蓮花泡河

河出城南大黑頂子山西南入圖們江

又東南逕玉泉洞南折而北逕五棵樹復折東南流逕雲臺山圈兒河自北來入之

圈兒河出沙坨子北自西而東而南瀦爲池者八逕圈兒河屯西西南流由雲臺山北麓西入圖們

江

又南逕土字界牌復南至圖們江口入於海

又西發源春越東南而南而西車大人帶河自東北
西長支流南出縣人大屯而北會合北受總總
縣河東流南出縣自北人大珠鄉中河自南入縣

混同江口以南以北入海之水第五口水中平陸
海爲百川之滙自混同江口而南南訖於海有錫赫
特山混同江口以北亦有大山或去海數十里或數
百里連峯不斷其西麓諸水皆分入烏蘇里江混同
江其東麓諸水皆自入海無大川今敘次自南而北
起圖們江口而東訖康熙中與鄂羅斯分界之外興
嶺以盡東海之境焉

海自圖們江口東北過望海島而東斗入西北數十
里有英額牡丹河自南來入之又西北有英安河自
西南入之

英安河源出哈桑湖東流受南北小水二東北入海
又西北受小黑頂子山水其東爲珠倫河

珠倫河源出喜彰山今之西沾山也合四水東流數

十里受北來之橫道河橫道河出自神仙頂子山
合兩源南流入珠倫河又

東南入於海其東爲佛多石河

佛多石河出自佛多石山合三源受小水四南入於

海又東爲巖杵河

巖杵河在琿春東南九十里俄之巖杵河鎮在焉南

流三十里入海海口俄鎮曰摩澗歲西北距琿春一

百二十里口南數里有二石山生海口中平列如

門與長江東西梁山相似但形勢較小耳商船出入
莫不由此巖杵河之東爲伊力河

伊力河南流數十里入海其東爲吉新河

吉新河通志之濟秦河也在琿春東南一百五十餘

里出無名山西南流數十里入海又東南數十里爲

舒爾霍薩河

舒爾霍薩河出無名小山東南流數十里入海其東

爲阿吉密河

阿吉密河源出哈發山東麓與琿春東北黑山背卡

倫連界其東北距蒙古街俄鎮西北距彥杵河俄鎮

皆二百里合四水南流入海海口東南有大多壁島
在焉其東額集密河也

額集密河源出錫伯窩集東南流數十里入海其東
爲圖拉木河

圖拉木河東南流入海其東爲西吉密河

西吉密河合兩源受東西兩小水東南流數十里入
海其東北爲薩瑪河

薩瑪河東南流入海其北蒙古河也

蒙古河今之蒙古街也亦曰蒙武河爲綏芬河海口
之支河在三岔口正南二百餘里東北距哈瑪塘俄

鎮二百餘里西南距阿濟密俄鎮里數亦同河源出
分水嶺蓋錫赫特山之東麓也啦字界牌在焉合三
源東流受北來三水其有名者曰斐雅河曰納爾琿
河折東南流有一水合數小水自西來注之屈曲東
南流入於海此水源流凡百餘里其東有小馬鞍山
水大馬鞍山水皆南流入海又東北爲昂邦畢拉
國語謂大河也亦出分水嶺帕字界牌在焉合三源南
流受西來二水逕赫圖蒙古山東折東南流凡百五
十餘里入於海其東卽大綏芬河

大綏芬河金史之率賓路也一曰蘇濱水又曰恤品

水明統志作恤品河又復出速平江又倒作速江平
皆對音字以地望診之卽今綏芬河也源出瑋春城
北一百七十里圖們山俗曰土門子山東北流北岸界甯古
塔折而西北兩岸皆入塔界逕穆稜窩集折東北流
協領河自西來入之

協領河出甯古塔東一百餘里老松嶺東南流南

受烏拉草甸子河河亦出老松嶺合二源東北流入協領河少東受羊

草河河亦自南來又東南逕關門犄子山倭林喀河自

北入焉河出城東三百里太平嶺西南流綏芬甸子河自南受三水北流來入合西流北受

小水一屈曲西南流入協領河又東南北受一小水又東南小綏

芬河自西南來入之河卽鄂勒歡綏芬河也出穆稜窩集東北入協領河又

東南入大綏芬河

大綏芬河又東受西北來一水輿圖以爲塞朱倫河又東有一

水自北來入土人曰大泡子河又東逕三岔口招墾總局北

有萬鹿溝河自北入之

萬鹿溝河出自萬鹿溝嶺兩源歧出合而南受東

水一西水一流數十里南入大綏芬河

大綏芬河又東至瑚佈圖河口有瑚佈圖河自南合
數水來入之

瑚佈圖河一名無沙溝河或作烏蛇溝河出瑋春

東北分水嶺合三源故亦曰三岔河直北流逕帕
字界牌西岸屬琿春又東北受東來三水西受老
河身河又北受石頭河河出通肯山東北流受
小水一合入瑚佈圖河又
北西受亮家川河河出太
平岡又東北西受廟兒嶺河
又東北西受謙廠溝河又東北佛爺溝河自西來
注之
佛爺溝河亦出穆稜窩集直東流南岸界琿春北
岸界甯古塔北受錫伯溝河撈枝溝河南受索龍
溝河大肚川河狼洞溝河又東逕瑚佈圖卡倫南
小瑚佈圖河自西南來會

小瑚佈圖河卽小烏蛇溝河亦曰小無沙溝河源
出通肯山東北流逕鵲枝溝屯鵲枝溝二河自左
右分入之又東北逕瑚佈圖卡倫南與佛爺溝河
瑚佈圖河合爲一所謂三岔口也西距甯古塔四
百八十里西南距琿春五百里東距雙城子俄鎮
一百四十里爲中俄分界之地河自其處又東北
注於大綏芬河卽瑚佈圖河口也綏芬河自發源
至此已二百五十餘里矣

大綏芬河又東流逕小孤山北有外八道河自北來
入之折東南而東受北來之內河又東有一水自北

來入之採訪者不得其名謹按輿圖有琿達河發源琿達山南麓南流入綏芬河以地望診之疑

即此又北逕雙城子俄鎮距三岔口一百四十里其

北距紅土岩俄鎮二百二十九里古為肅慎國地漢

為北沃沮金為率賓路明為建州衛野人衛交界之

處地以東西二城得名東曰傅爾丹城西為朱爾格

伊城其叛自何時則不可考矣其南有七道溝河合

眾水自西南來注之

七道溝河源出木耳溝北流四十餘里折而東八

十里許有劉致河自西南來入之劉智河合兩源北流受西來一

水合東流注又東流七十里會西南來之舒圖河

七道溝河

即輿圖舒藩河也源出甯古塔東南荒山兩源歧發合為一東北折東流受西南羊子溝河黃溝河

道溝河東北注七又東入於大綏芬河採訪者失其名謹按輿

大綏芬河又東受北來一水圖有噲哈河源出哈希

山南麓南流入綏芬河折南流三十餘里逕石頭河

以地望診之即此河也

站西西南流逕哈瑪塘站西四道溝三道溝二道溝

頭道溝河次第自西來入之又南入於海自發源至

此凡七百餘里其東為黃泥河又東南為小青溝河

又南為大青溝河

黃泥河自東北來西南流數十里入海

小青溝河亦自東北來西南流數十里入海

大青溝河自北來南流折而西入於海海自其處縮入西南數十里形如撮箕有海參崴俄鎮在焉距雙城子二百十三里強西南海道距巖杵河三百餘里距琿春四百里陸路僅西北一道自蝦蟆塘來一百二十餘里出入山澗林木參天海口長十餘里寬七八里自其處至圖們江口海中島嶼相望也其東北有瑪螳河

馬蟻河一曰富勒佳哈河出大山松林台兩源西南流入海

佛林河一曰佛拉河在富爾嘉哈河東出勒富特勒

庫山南流入海

錫拉河在佛林河東出勒富窩集南流入海

錫林河在錫拉河東出大山松林南流入海

都爾呼河今日土爾庫河在錫林河東南流入海會典

無此河而錫林河之次有大烏濟密河其次有小烏濟密河今大小烏濟密山正在此處疑此當為大烏濟密河也

烏濟密河在都爾呼河東出小烏濟密山南流入海

雅蘭河在烏濟密河東金之耶懶路所謂耶懶率賓

相去千里者也出錫赫特山南入海海自其處趨而

北眾水皆自西入之

喜祿河今日希魯河在雅蘭河東北亦出錫赫特山東入海

瑚葉克河在希魯河北自錫赫特山東麓東入海

外富金河在瑚葉克河北出錫赫特山東麓東入海

塔爾芬河在外富金河北東入海

額穆里河在塔爾芬河北東入海

勒富勒河在額穆里河北東入海

烏爾欽河今日胡爾新河在勒富勒河北受南來之

錫拉河東入海

岳塞河在烏爾欽河北出阿爾哈峯東入海

額喀河在岳塞河北古使鹿地也出大山松林東入海

濟勒河在額喀河北東入海

都爾河在濟勒河北出整整窩集東入海

瑚葉克河在都爾河北東入海

奇魯河在瑚葉克河北出錫赫特山東入海

僧庫勒河一日森奇勒河在奇魯河北出僧庫勒窩

集東入海

克默勒河在僧庫勒河北出奇雅喀勒人等所居山

中東入海

額齊題河在克默勒河北東入海

尼葉里河在額齊題河北出額富進山東麓東入海

提揚藹河在尼葉里河北東入海

克降穆特河在提揚藹河北出奇雅哈勒人等所居

山中東入海

察哈瑪河在克勒穆特河北東入海

底濟密河在察哈瑪河北東入海

尼滿河在底濟密河北東入海

都圖佈河在尼滿河北出自海岸大山東入海其北

爲混同江口

甯爾河在混同江口以北出齊嘉克山東入海海自其處折而西眾水皆自南入之

古第河在甯爾河西出集達特噶城北山中北入海

瑚圖魯河在古第河西東北入海

鄂古河在瑚圖魯河西北入海

吉特河在鄂古河西北入海

瑪呢噶河在吉特河西北入海

阿拉河在瑪呢噶河西北入海

索倫河在阿拉河西北三百餘里自西來東流入海

康熙中與俄羅斯分界於此爲三姓所屬極東北際

海之地

底拉河在索倫河西北三百餘里東入海

烏底河在底拉河西北出外興安嶺南麓東流二百里入海分界時此兩河為甌脫地蓋昔日東海之境極於此焉

庫葉島之水第六

附

庫葉島在甯古塔城東北三千餘里混同江口之東大海中舊隸三姓新唐書黑水東北有窟說部亦號屈說又流鬼南與莫曳靺鞨鄰明開原志苦元在奴兒干海東明一統圖東北夷有兀列部特林碑亦有東海苦夷之語今輿圖作庫葉一作庫頁凡窟說屈說莫曳苦兀兀列苦夷庫頁皆庫葉同聲字也其地四圍皆海雖一洲島而幅員千里為混同江口大護沙其間捕牲部落曰庫頁曰費雅喀曰鄂倫春歲時貢貂皮於吉林一統志謂為甯古塔所屬大洲會典

圖說謂爲三姓所屬海以外大洲 盛京通志之混

同江口大洲水道提綱之海中大長島皆此地也南

北袤長一千六百餘里 南自極高四十九度八分至極高五十四度四分 東

西最濶三四百里或一二百里 西近混同江口小圓島爲東二十六度半

至東北斜處爲 東三十度四分 距西岸近處僅百里許地形天矯如

游魚中脊有山連峯自北至南松林相望蜿蜒不絕

其有名者曰圖克蘇呼山居島之西北其西南曰英

吉申山山之東曰塔他瑪山居島之中者曰阿當吉

山最南曰齊都齊山山左右之水分東西流入海其

西入海之水有八近混同江口兩岸正居島地之中

者曰博和彌河 博和彌河長八百里

博和彌河源出英吉申山南麓西南流受東來一水

又屈曲西南流入海長三百里其南爲杭愛河

杭愛河源出塔他瑪山西麓西南流入海其東南爲

題巴努河口

題巴努河亦出塔他瑪山西麓西南流入海其東南

爲溫特呼河

溫特呼河亦出塔他瑪山西麓西南流入海又東南

爲楚察馨河

楚察馨河東出松林中合兩源西流入海其東南爲

楚拉河

楚拉河亦出松林中
西流受西北來一水
又西流入海其南為特肯河

特肯河出阿當吉山西麓
西流逕特肯噶珊北入海
其南為益對河

益對河今呼為堆依河
出阿當吉山西南麓西南流
逕益對噶珊北入海

右皆西流入海之水
自益對河又東南為蒲龍噶
珊又東南曲曲而南為島之南
盡處自博和彌河

而北而東北皆鄂倫春人等所居
凡九百餘里無水也其東入海之水
有九最南者曰阿當吉河

阿當吉河出阿當吉山東麓
兩源合東流入海其西北三百里
為齊都齊河

齊都齊河出阿當吉山北麓
東流入海又西北二百里為塔他瑪河

塔他瑪河出塔他瑪山東麓
東流入海其西即庫葉人等所居
又西為英吉申山蓋兩山對峙也
又東北為果多和河

果多和河在博和彌河隔山之東
兩源合東流入海其東北二百里
為努哩伊河

努哩伊河

努哩伊河長三百里合三源東流入海其北爲達希河

達希河長百里許東流入海其北爲薩依河

薩依河出圖克蘇呼山東南麓兩源合逕薩依噶珊南東流入海又北稍西二百里爲弼勒圖河

弼勒圖河出圖克蘇呼山東麓合三源逕弼勒圖噶珊南東流入海又北百數十里爲額爾雅河

額爾雅河出圖克蘇呼山東北麓合兩源東北流逕額爾雅噶珊之南入於海自此而北百里爲烏北書處其南則費雅喀人等所居也

右皆東流入海之水自阿當吉河而南而東而西南至烏盡處無水也

吉林通志卷二十四

輿地志十二 城池

吉林城舊名船廠又名永吉州康熙十二年入旗通志作十

三年副都統安珠瑚監造南倚松花江東西北三面暨

松木為牆高八尺北面二百八十九步東西各二百

五十步門三周圍有池池外有土牆為邊邊牆東西

亦倚河岸周七里一百八十步盛京通志三十一乾隆七年

重修同治六年又重修之同治五年將軍富明阿副都統富爾孫倡率文武員

弁勸捐派員修築土圍城垣計一千七百四十九丈

三尺七寸外圍八百零六丈經始於五年九月至六

年十月工竣凡費錢十三萬二千零五十六串六百

南至島嶼無水也

吉林東流入海之水自回營吉城而南而東而西

三十文共捐錢十六萬餘串除修費外尚贖合銀一萬四千兩發鋪商按月生息一分留作歲修之用
杖垛土牆高一丈一尺不等基寬一丈三尺五六尺不等頂上磚砌女牆高三尺老北門改修牌樓額曰鞏固金湯向北展修加二百九十八丈三尺七寸計共折九里零二百五十八步三尺七寸又增建門五合舊門爲八東之北曰東萊其南曰朝陽西之南曰迎恩中曰福綏其北曰北極北之西曰德勝中曰致和北之東曰巴爾虎皆有樓唯致和福綏未起樓光緒九年將軍希元改修磚牆加築垛口高一丈二尺八寸池深一丈南面江隄嘉慶十八年被水冲坍築

土重修同治六年改修木柵欄一道長九百丈計五里周圍城牆合江隄共十四里零二百五十八步三尺七寸城西外圍同治六年添建土牆一道南至江坎北至山根廣四里零一百七十二步今外圍已圯

工司檔案

伊通州城舊設巡檢無城光緒七年改設州治十四年始築土城知州貢啟章監造磚砌垛口周圍約三里牆高三丈門樓四東曰省耕南曰昭文西曰承恩北曰會極池深二丈闊三丈冊報
敦化縣城原名莪東城光緒七年知縣趙敦誠監造

築土爲牆上蓋木板城樓磚砌堞口周五里門五東
日迎旭南日來薰西日挹爽小西門日德勝北日拱
辰池深一丈冊報圖說合輯

長春府城原名寬城同治四年馬賊竄擾由商民捐
建築板爲牆高一丈餘周二十里門六東日崇德南

日全安西日聚寶北日永興西南日永安西北日乾
佑池深一丈冊報

農安縣城俗名龍灣舊有土城坍塌不齊周圍約七
里光緒十六年知縣黎尹融籌款修建於舊基上加

築土牆堞口設門樓四東日聚蕃南日阜財西日寶

稽北日衛藩又作藏富水洞門三上蓋木板池深一丈冊報

伯都訥廳城舊名孤榆樹無城光緒三年廳治由伯

都訥移駐商民捐修土圍一道高約八尺周四里門

四池深一丈餘冊報

賓州廳城原名葦子溝光緒七年通判王紹元監造

築土爲牆上蓋木板城樓磚砌堞口周圍約七里門

四池深一丈冊報

五常廳城舊名歡喜嶺光緒七年知縣毓斌監造築

土爲牆上蓋木板城樓磚砌堞口周圍約四里門四

東日迎旭西日承恩南日來薰北日拱極池深一丈

冊報

雙城廳城原名雙城堡嘉慶年間商民捐建築土為

牆周圍約二十里冊報同治七年總管雙福監修杈垛

泥牆頂寬五尺底寬七尺高八尺女牆寬四尺高三

尺共高一丈一尺牆內修馬道高廣各五尺周圍共

三千一百丈城濠一道上寬一丈五尺下五尺深一

丈城角築礮臺各一座門四東曰承旭西曰永和南

曰承恩北曰洞賓每門水洞二道門左右各建礮臺

一座費錢一萬一千三百七十串有奇均由商民捐

築摺光緒八年添設廳治移總管於拉林冊報

甯古塔駐防城康熙五年十二月工部議准甯古塔

命來所有舊城是梳木隔石築造年久頽圯應酌量本處

派夫照舊修理入旗通志因自舊城遷此將軍巴海

監造松木為牆中實以土高二丈餘檔案作高六尺五寸周二

里半檔案作五百八十五丈門三東曰得勝西曰望闕南曰迎

薰城外邊牆周十里四面有門西南瀕瑚爾哈河通志

參圖乾隆三十一年四十二年五十一年五十七年

重修各門檔案光緒九年副都統容山重修牙城

重修牙城記甯古塔為

國家發祥地猶姬周后稷始封之邠山川深阻形勢完

固北達三姓可控赫哲鄂倫春諸部南達琿春直拊
朝鮮之背東襟大海視日本諸島若在咫尺間東北
各邊居中扼要重鎮也俄羅斯侵佔我沿海數千里
之地奪我鄂倫春等部誘結日本謀吞朝鮮自咸豐
十年始

朝廷慮留守各旗兵力單薄不足以禦敵增餉練兵遣
大臣駐甯古塔督辦防務自光緒七年始於是東陞
日益多故光緒八年秋容山奉

命來統甯古塔各旗懼無以稱職汲汲以修武備爲事九
年秋集各旗將領謀大修城垣以資守禦咸以經費

無所出各旗生計窘不勝大役對時吳清卿通政爲
督辦大臣聞之恐其事中止遂遣防兵六百來助修
牙城以爲之倡閱十日而牙城成工速而費省僅用
白金一千六百有奇又閱二十日而通政奉

旨抽兵協防北洋以去通政嘗言滿洲俗尙武勇我

朝肇興於此率一旅之眾拓地而南轉戰無敵遂一六
合今各旗生齒十倍於昔苟簡其壯丁授以利器明
賞罰勤訓練使戮力禦俄以自保其鄉里必遠勝於
用客兵操防之暇卽令修城旣可習勞又可節費兩
利之道也容山趨其言故泐之於石以爲各旗勛且

爲異日重修大城取法焉非僅爲牙城計也胡傳代容山作

伯都訥駐防城舊名納爾琿舊志作訥拉紅亦曰新城新城即伯

都訥城在吉林西北五百二十里康熙三十三年移

吉林副都統鎮守於此境內有舊伯都訥城在今城

東二十五里周里許已圯建置年代無考因有舊

城故名今城爲新城也何秋濤考訂龍沙紀略

熙三十二年建造城砌土坯高一丈二尺檔案作周

七里半門四池闊七尺深九尺盛京通志三十一乾隆三十

九年四十四年重修城門工司檔同治五年副都統烏

里布捐修土城牆高一丈二尺周一千四百二十六

丈三尺外濠深廣各一丈費錢一萬三千六百五十

三串有奇摺檔

三姓駐防城在松花江南冊報康熙四年甯古塔副都

統馬齊疏請三姓地方建造城垣因瑚爾哈所有舊

城年久頽圯兵丁難以居住詳看舊城西邊地勢平

坦可以築造隨經工部議准照伯都訥例築造土城

計城周圍四百丈八旗通志營建志二牆高七尺池深七尺廣

八尺盛京通志三十一雍正十年乾隆十七年嘉慶十一年

俱重修冊報光緒十一年副都統宗室恆元集資

仍照舊基重修高九尺寬七尺堞口寬三尺周五里

七分門四冊報

阿勒楚喀駐防城舊城右靠土山左傍阿什河冊報周

二里南北二門雍正七年改建木城周圍七百四十

五丈通志作周圍三里高七尺通志作高一丈三尺池深八尺廣一丈

乾隆四十年重修四十八年改築土城通志檔案合輯同治

七年副都統海英於舊城外西徧築土為牆高一丈

周十八里門四東曰保安西曰鎮靜南曰承化北曰

平易便門六池深五尺冊報

琿春駐防城在琿春河東岸南與朝鮮接界皆庫雅

拉等所居周一里門四建年無考盛京通志三十一光緒七

年副都統依克唐阿用兵力建造築土為牆高八尺

周約七里門四東曰靖邊南曰撫綏西曰鎮定北曰

德勝池深七尺濠邊遍植楊柳冊報

五常堡駐防城廳治東北二十五里築土為牆始建

時無考光緒元年協領國祥修城一面計一里半四

年協領慶德重修立城門五東兩門曰恆豫曰東撫

西曰萃升南曰向陽北曰綏遠池深八尺寬一丈二

尺十四年商人捐資於城四角各立礮臺一座圖說

打牲烏拉駐防城舊城於順治初年建康熙四十二

年間屢患水災四十五年移至舊城迤東高埠爽塏

之地改建新城築土為牆周八里計一千四百四十

丈高六尺八寸門四冊報

拉林城在雙城廳治東南一百一十里同治七年佐

領永海捐建土圍周八里半高一丈二尺五寸門樓

四門旁各修礮臺一座濠寬二丈深一丈八尺摺檔

富克錦駐防城在三姓城東北松花江南岸光緒六

年設協領駐防築土為牆高六尺周圍一百三十三

丈五尺門四池深六尺圖說

吉林境內古城

尼什哈城城東十二里尼什哈山上周二里南一門

北二門城西一井木生其中有鯽魚池三石砌盛京通志

志三十一

綏哈城城西五十里周一里同上

那丹佛哈城舊志作納單佛勒城南二百六十里東西二面

各百步舊志作四百步南北二面各三百步城外有重濠門

四內有一小城四面各二百步東西二門同上

輝發城城南三百七十里在吉林峯之上即聖音周吉林峯

圍三百步門一同上

太祖丁未年秋九月率兵往輝發國圍其城克之誅拜音達

哩及其子撫降其眾國方略三開

吳兆騫過輝發原作灰扒廢城詩大漠何王國行人此日

來雄圖一戰盡廢址百年哀魚鳥空橫草麒麟已沒

苔松聲悲舊壘水氣冷荒臺伊首龍庭日曾傳狼纛
開勢窺東海盛部繞北關迴候月瑀弓勁乘兵鐵騎
催兩雄方齟齬雜種遂紛猜釁比徵祠祭勳期闕草
萊旌飛沙浩浩鼓合雪皚皚大敵全師會孤城力鬪
摧兵聲殘白草戰哭聚黃埃韓近秦先舉虞亡晉始
恢尙傳京觀在惟歎燼蠹灰阨塞形空設興衰恨莫
裁依稀營畔柳惆悵笛中梅叢棘朝晞露崩沙晚沸
雷撫塵心侘傺覽跡思徘徊地遠何人弔程遙我馬
隤淒涼懷古意秋角滿長咳

秋笳集

又經輝發故城詩雪峯天畔見荒城猶是南庭屬國

名空磧風雲當日盡戰場楊柳至今生祭天祠在悲
高會候月營空想度兵異域君臣興廢裏登臨幾度

客心驚

同上

彭啟豐恭和

御製輝發故城詩原韻跨峙岡原氣象雄
龍興大業兆關東背盟適築鯨鯢觀掃葉
親擐甲冑躬落日城垣留斷梗秋風金鐵想臨戎對揚
神武恢前烈草昧驅除佑

帝衷

盛京通志
一百二十四

輝發峯城在輝發峯西北周圍四里南北各二門

盛

京通志 輝發河城在瀕河山坡上四面各二十步門

三十一 同上

佛勒和城 舊志作佛兒哈 城北三十三里周圍三里舊為佛

索赫貝勒所居門 一 同上

富勒哈城 舊志作福兒哈 城北五十里周圍八十步門 一 同上

太祖癸丑年春正月平烏拉國撫降之 國方略四開

薩爾巴禪城 舊志作撒兒八哈 城北七十里周圍一里門 一

盛京通志 三十一

古城城北八十四里周圍一里門 一 同上

西蘭城城北八十七里周圍二里西一門 盛京舊志謹按

錫蘭河在城東北九十五里城蓋以河得名 盛京通志有錫蘭城城北一百一十里周圍二里門一舊

志錫蘭作刷烟餘並同而另載此條以河證之里數較通志為確而刷烟則屬譌舛也

蘇幹延島城 舊志作刷烟島 城北一百一十里 盛京舊志混同

江中蘇幹延島上周圍一里門 一 盛京通志三十一

噶哈城城北一百七十里周圍一里 同上

伊蘭茂城 舊志作拉木 城東南七里在伊蘭茂山上 舊志作一

山 周圍一里餘東北二門城外東西南三面有郭

周圍二里門 一 同上

古城城西南五十里東西各五十步南北各一百步

門 一 同上

古城城西南二百十五里周四里南北二門址尙存探訪

蘇密城城西南三百餘里周六里東西二門內有子城周四里址尙存近城十餘里間四面皆有小古城

同上伊一作宜罕山城城東北三十里在伊罕山上周圍一

里門一志盛京通

太祖戊申年三月

命褚英阿敏率兵五千征烏拉伊罕山城克之俘其眾以歸

開國方略三

鄂謨城舊志作俄磨城東北三十里周圍二十里門一通志

太祖癸丑年春正月平烏拉國攻克之

謹按通志於尼什

哈城云卽鄂摩城摩謨音相同不應二十里間兩城同名考開國方略癸丑年平烏拉國有鄂謨城而無尼什哈城至部內之金州郭多遜扎塔三城兩志俱闕然與尼什哈鄂謨音又迥別其爲漏載無疑而此城與尼什哈固不當混爲一矣今恭紀戰績於此

哈勒費延城舊志作哈兒邊城東北混同江中哈勒費延島

上周圍二里門一志盛京通

古城城東北二百五十里周圍三里址尙存中有石

虎二高三尺又一城俗名小城子在城子街南周圍

二百步居民耕地往往得銅鐵器物探訪

古土城在嘎呀河東南二里許周圍二里高一丈東南各一門今尚存又一土城在雙陽通東北二里許

周圍四百步

同上

博爾濟堡城城北八十里周圍百步門一

盛京通志三十一

二十家堡城城北一百八十里周圍一里門一

同上

阿蘭堡城城東南一百三十里周圍一里

同上

多壁城屬輝發部

太祖乙未年夏六月攻克輝發部多壁城

開國方略二

托摩和城屬哲陳部

太祖乙酉年夏四月敗其兵

開國方略一

以上二城基址俱無

可考

伊通州境內古城

歸仁縣城通州安遠軍本夫餘國王城

遼史地理志在咸

平府北舊安州金皇統三年改爲縣後廢城址猶存

滿洲源流考引元一統志

克爾素城

開國方略一作呼

城西北一百三十里

原註

吉林城西三百七十里周圍一里

太祖癸丑年秋九月征葉赫部攻克之

謹按開國方略四

焉考太祖壬子年征烏拉部築木城於此今設汛
河邊伊瑪呼山岡以木爲城留兵千人守之癸丑年
征葉赫所屬璋城吉當阿城雅哈城赫爾蘇城和敦

吉林通志卷二十四

七

城喀布齊賚城鄂吉岱城及屯寨八十九處盡焚其
廬舍糧儲收烏蘇降眾而還實錄所載略同
是此城之非有二而屬於葉赫明矣不知
何以致誤今依開國方略改輯

雅哈城城西北七十里原註吉林城西三百十里周圍一百二十

步屬葉赫部與克爾蘇城同時攻克開國方略四

吉一作哈當阿城屬葉赫部

和一作喀敦城屬葉赫部

喀布齊賚城屬葉赫部

額一作鄂吉岱城屬葉赫部以上四城並見開國方略四故址今

皆無考

葉赫城城南二百二十五里原註吉林城西四百九十五里周圍四

里東南二門夜黑城在北山之隈甄贅城根亦有子

城尙餘臺殿故址扈從東巡日錄此卽葉赫所居之東城葉

赫山城爲西城與白石山半截塔山納爾琿山俱相

近呼蘭峯在城東北科齊克山在城北蒙古谷在城

西四十里老城在驛路旁新城亦可望見俱無人迹

柳邊紀略

太祖天命四年八月征葉赫國破其東城西城開門降遂滅

之開國方略六

葉赫山城在葉赫城西北三里周圍四里南北二門

明時於其地置北關互市盛京通志三十一

葉赫珊延府城

舊志珊延作商堅

與葉赫城相距里許周圍

一百六十步門一相傳皆葉赫所築

同上

古城城西南三十五里在大孤山東營城子屯周圍

一里又一城城西南二百五十里在前城子屯周圍

一里

冊報

索勒和城

舊志作索兒賀

城西南二百十餘里

原註吉林城西五百五十

里周圍八十步門一

同上

烏蘇城

原註吉林城南七百里今未詳

周圍二里門濛莫考城南曰

盛京通志三十一

太祖癸丑年秋九月征葉赫部收烏蘇城降眾三百戶而還

國方略四

佛多和城

原註吉林城南八里今未詳

周圍一里

太祖癸巳年勦訥殷部長於此

盛京通志三十一

庫幹蘭山城

原註吉林城南西南四百餘里今未詳

其地有庫幹蘭山

上有城周圍五十餘步西一門

盛京通志二十七

璋

一作張

城屬葉赫部與阿奇蘭城皆

太祖甲辰年攻取

滿洲源流考八

阿奇蘭城屬葉赫部

同上

肯特伊城

一作克伊特

屬葉赫部

太祖天命四年攻取

同上

以上三城基址今皆無考

敦化縣境內古城

俄朵里城一作鄂多哩入旗城東南三里許牡丹江

北岸周圍約四里尙存土基冊報長白山東南俄漢惠

原註地名俄朵里原註地名三姓人共奉布庫里准順爲主定

號滿洲南朝誤名建州盛京輿圖一我

朝發祥長白自遠祖定三姓之亂居俄漢惠之野鄂多

理城在今甯古塔西南三百餘里

國號曰滿洲是爲開基之始皇朝通考二百七十一

鄂多理城考鄂多理城爲

天家發祥初基在今吉林東南境

盛京舊志吉林外紀皆不之載訪諸父老或僅知其名而無能確指其地者癸未歸自朝鮮渡土門江後水複山重地皆在吉林東南長白山之東途經大小廢城不一間遇土人詢其名或知或否亦無所謂鄂多理城者既而北越哈爾巴嶺西渡牡丹江未三里敦化縣治在焉瀕江別一古城問名曰敖東亦曰阿克敦皆招墾新戶無可咨訪然江西故址惟此一城而已光譽從事幕府始獲讀故府藏書謹稽

欽定盛京通志內

京城志引

發祥世紀略云

始祖居長白山東鄂謨輝之野鄂多理城在

興京東一千五百里甯古塔城西南三百三十里勒富善河西岸

肇祖始居赫圖阿拉

太祖遷居呼蘭哈達天命元年以

興京爲都城又山川志引

實錄略云長白山之東有布庫哩山其下有池曰布庫瑚哩相傳有三天女浴於池神鵲銜朱果季女含口入腹尋產一男及長因錫之姓爲愛新覺羅名曰布庫哩

雍順與小舸乘之母遂凌空去舸至河步登岸其地有三姓爭爲雄長因詰所由來眾曰此天生聖人也推爲國主奉爲貝勒遂居長白山東鄂多哩城國號滿洲與

開國方略滿洲源流考所載文有詳略而事之次第並同又瑚爾哈河註略云上流勒富善河會畢爾騰湖流經會甯北繞甯古塔城南北入混同江按此卽今之牡丹江也會典通志疆域各圖限於篇幅皆略焉不詳庫藏吉林全圖山川半非舊名因復發篋存王文勤公慶雲影撫康熙朝

內府輿地全圖有勒夫城河額多力城諸名在互相校
覈然後知今圖註曰牡丹江源者卽勒夫城河註曰
阿克敦者卽額多力城名雖異而圖之部位皆同揆
其相距

興京及甯古塔道里遠近與志無不合甯古塔南敦化
縣北之故會甯城及額穆赫索羅爲驛路所必經始
恍然今之額穆赫索羅鄂摩和站皆鄂謨輝也今之
牡丹江自湖以下爲瑚爾哈河湖以上卽勒富善河
通志本無所謂牡丹江也然則鄂多理額多力敖東
阿克敦皆音轉字通實一城耳唯舊志外紀諸書謫

陋紛歧不足徵考尊藏典冊又非閭里所易窺見卽
通志於

興京

東京皆附載

京城志而鄂多理城赫圖阿拉呼蘭哈達並皆附見其
後不復分載於各城良以發祥初基不得與郡縣城
池並列志例如此而人遂莫之深考竊維赫圖阿拉
呼蘭哈達皆去

興京不遠舊蹟具在盡人所知至布庫哩山布庫瑚哩
池擬之姜嫄履武原不必強索巷林寒冰之蹟以實

之而自土沮漆遺蹟顯然烏可輾轉沿譌疑誤後世
按古城去縣治二里而近海內郡縣於例祝

釐有宮祀土穀有壇崇德報功有祠宇縣為初設儀制闕
如儻即其地分建之勒石為記環數里永禁樵牧非

有司之責與彭光
譽撰

長春境內古城

達羅克城舊作達魯古今改
通鑑輯覽八十金太祖克甯江州降移

燉即今伊
伊通益海罕山路大蠻照撤等敗遼兵於婆刺

魁山趨達羅克城進攻黃龍府遂克顯州金史

他虎城當陀喇河入嫩江之處周八里有奇門四蒙

古游牧記謂建置無考考遼史上京有他魯河金史

長春縣有達羅克河遼聖宗四年春正月如鴨子河

二月己未獵撻魯河詔改鴨子河曰混同江撻魯河

曰長春河金史收國元年正月太祖自將親攻黃龍

府進臨益州州人走保黃龍留羅索尼楚赫守黃龍

上自率兵趨達羅克城按陀喇河即他魯河亦即達

羅克河他虎城即達羅克城亦即遼之長春州韶陽

軍治金復置之秦州昌德軍長春縣治所在也曹廷
杰東

三省
圖說

農安境內古城

龍安城龍一作隆在一禿河西金山東全遼志城周七

里門四址尙存旁有塔亦名農安册說郭爾羅斯前旗

東南二百里蒙古游牧記有龍安城今吉林西北二百八

十里有農安城在伊通河西二里城基與册說合西

門外半里有農安塔東三省圖說

哈拉海城在城北建置無考哈拉海野菜名蒙古語

也册報

雙城境內古城

來流域金太祖十月朔克甯江州次來流域金太祖紀來

流河去混同江百十里來流域卽在甯江州西松漠紀聞

古城城南二百里有土圍二南城周三里北城周里

許俗呼雙城子册報

甯古塔境內古城

古肅慎城方一作大五里在渤海東三十里遺堞尙在

以石累城脚契丹國志二十安東都護府故漢襄平

城也自都護府東北經故蓋牟新城又經渤海長嶺

府千五百里至渤海王城城臨忽汗海其西南三十

里有古肅慎城其北經德里鎮至南黑水靺鞨千里

新唐書四十三下

古城城西二十五里周圍二里餘東西二門俗名西

古城盛京通志三十一

穆當阿城穆一作木城西三十里周圍一里半南北二門

同上沙蘭城城西八十里同在沙蘭河南岸上

舊覺羅城城南邊牆內南北各二十步東西各三十

步同上

噶新哈城新一作思城南三十里周圍一里門一同上

薩爾瑚城舊志作撒兒虎城北四十五里海蘭河南岸周圍

一百步門一同上

朱爾格依城城東南三百六十里哈希山南面門濠

莫考同上

英愛城愛一作莪城東南五百八十里周圍一里東南二

門盛京通志三十一有英愛河流入土門江同上二

古城城東南五百八十五里費雅舊志作飛腰城北周圍

五里南四門西三門東北各二門內有子城周一里

南三門東西各一門同上三十一按以下三城今皆入俄界以古蹟所關附錄之

富爾丹城一作福兒單城東南六百五十里周圍三里門

四其東北又一小城周一里南西北三門俗亦稱富

爾丹城同上近富爾丹河同上二

富勒堅一作福兒加城城東南六百七十里周圍七十步

門一同上三十一

佛訥赫城城西南五十餘里

太祖丁未年遣巴雅喇等征取之同訥訥赫城疑卽今佛訥

赫城在甯古塔城南正與瑚爾哈河上流相近舊譌

暖暖河今并譯改同上

火茸城俗名古大城舊志作舊城西南六十里瑚爾

哈河南岸周圍三十里四面七門內城周五里東西

南各一門同上三十一宮殿舊址猶存金爲呼爾哈路亦

統於上京滿洲源流考八沙林東南十五里曰火茸城廣四

十餘里中間禁城可里餘三殿基址皆在碎碧瓦基

布其上禁城外有大石佛高可三丈許蓮花承之前

有石塔向東小欹出大城而西則芟荷彌渚透迤綿

渺莫窮其際渚間有亭榭遺迹自沙林而東八十里

爲甯古塔扈從東巡日錄

張賁東京記甯公臺西南六十里曰沙嶺嶺東十餘

里有古城焉土人相傳曰東京蓋金祖故都也道中

遠望其上常有雲氣變幻如樓臺宮闕狀稍近之鬱

鬱葱葱又如烟井廬舍萬家屯聚卽而視之無有也

故城登石爲基土墉高丈許無復雉堞頽然短垣也

圍可三十里城門石路車轍宛然南門內故址似宮

殿三重前一重規模宏敞礎方廣三尺餘計一十有六後二重無存焉殿南向正中無馳道東西二闕門階墀陞城層級可辨前列五臺今高二丈許似京師鳳闕遺制後別有小城似宮禁左右石井二白石登砌八角形明堂以外九陌三衢依稀可識旁石壘如部落軍伍所舍或官署環列如拱故內今宮室無存敗瓦亂積在榛莽中時有丹碧琉璃錯出間雜存漢字款識土人取以爲玩掘地得斷碑有下瞰臺城儒生盛於東觀十字皆漢文字畫莊楷蓋國學碑也想像當時建國荒漠重學崇儒如是城外大河繞城而東有圯橋亂石橫亘水中城南有古寺鏤石爲大佛高丈有六尺風雨侵蝕苔蘚斑然而法相莊嚴鏤鑿工巧今墮其首好事者裝而復之前有石浮屠八角形郭外平曠數十里其西七八里許有石磧數區各周環三四里似屯兵芻牧之所旁有古墓石方丈者數版掘地得石獸白如玉西南十餘里有長溪芰荷菱芡產焉夏秋之交芙蓉紅敷數十里燦若雲錦翠鳥野鳧迴翔上下土人盪小舟採蓮浮游如畫綠溪而上三四十里瀑布土人曰水海水聲砰訇聞數里不知源所自出也余考金史云以遼陽爲東京又云

五國城去遼東北千里為黃龍府甯江州諸處金祖所發迹故址無存焉此地或言朝鮮故都或言金元分封處無有辨者而土人指為東京大率金祖起家於焉因表為京其以遼陽為東京之說誤也今其地往往獲古錢皆徽欽間製其為金人故跡無疑也蓋松花江以東風土形勝之美莫若東京云金史詳校三引克音城舊志作城東北五十餘里瑚爾哈河北岸海關河南岸周圍三里餘門一盛京通志三十一大河城有安巴畢喇城舊志作昂城東北三百五十里瑚爾哈河北岸周圍六里門四同上

古城城東北六百里混同江南岸周圍三里東西二門同上

朱爾格依城城東北六百二十里又一相距二十里在能圖河北岸門濠莫考一統輿圖

甯古塔舊城城西北五十里海關河南有石城高一丈餘周圍一里東西各一門城外邊牆周圍五里餘四面四門昂邦章京吳海監造盛京舊志舊城在覺羅城北五十二里康熙五年移於覺羅城西南新城建舊城遂廢人呼為舊街上柳邊紀略

哈圖城舊志作布兒哈城西北五十里海關河南周

圍二里東西二門

盛京通志三十一

布爾哈圖城

舊志作布兒哈圖西古城

城西北五十二里周圍一

里東西二門

同上

舊薩爾滸城城西北八十里

同上

太祖癸未年秋八月誅薩爾滸城諾密納鼐喀達

國方略一開

覺羅堡城城東三里瑚爾哈河北岸周圍五十八步

門一又有一城東北四里瑚爾哈河北岸周圍五十

六步門一

盛京通志三十一

都林谷堡城城西二百十里瀕都林谷河周圍六十

步門一

同上

海蘭河屯城城西北六十里海蘭河北岸周圍三里

門四

同上

伯都訥境內古城

舊伯都訥城城東二十五里周圍里許已圮

同上

唐王河古城城南三里唐王河側

同上

古城城東南四里阿勒楚喀河西岸周圍四里內有

子城門濠莫考相傳卽金時肇州城遺址

同上

十里內子城周四里南距吉林城三百四十里東去

會甯府六百里與金時道里相合疑卽肇州城遺址

同上

隆科城城東一百餘里俗稱龍虎城同治五年報明
開墾地畝部改爲隆科城係金太祖誓師處尙有碑
記在土中圖說文別見金石志

三姓境內古城

五國城係五國部博和哩國博諾國鄂羅穆國伊塔

圖國伊勒希國

遼史營衛部族志

大金國志云天會八年宋

二帝自韓州如五國頭城扈從日錄云自甯古塔東
行六百里曰羌突里噶尙松花黑龍二江於此合流
有大土阜或云五國城柳邊紀略云五國城或謂在
三萬衛北一千里自此而東分爲五或謂在羌突里

噶尙或謂在朝鮮北境或謂去燕京三千八百餘里
西至黃龍府二千一百里或云甯古塔相近槍頭街
有舊城址五疑卽是予謂徽欽自徙鶻里改路之後
未聞再徙則五國城自在鶻里改路境內鶻里改者
卽虎兒哈胡里改之變書也槍頭街之說庶幾近之
盛京舊志云三姓地方有五國城遺址今按五國之說
不一率皆影響之談毫無實據閱遼史營衛部族志
五國自當分居五地必非一處可知今自三姓至烏
蘇里江口松花江兩岸共有城基九處一三姓附郭
舊城一三姓下八十餘里北岸吞河固木訥城一三

姓下三百五十餘里南岸瓦里和屯卽通志斡里城
一斡里城下四十餘里南岸希爾哈城一希爾哈城
下約百里北岸有大古城一希爾哈城下百六十里
南岸富克錦地方有大古城一富克錦下約百里南
岸圖斯科地方有大古城一圖斯科下一百八十餘
里南岸額圖地方有古城一額圖下約五十餘里南
岸青得林卽喜魯林地方有古城基考遼史五國於
聖宗時來附命居本土以鎮東北境屬黃龍府都部
署司契丹國志女真東北與五國爲鄰五國之東接
大海出名鷹元一統志開元路三京故國五國舊城

東北一都會也又云混同江發源長白山北流經渤
海建州西五十里會諸水東北流經上京下達五國
頭城又東北注於海明一統志五國頭城在三萬衛
北一千里自此而東分爲五國舊傳宋徽宗葬於此
合諸書觀之是五國故址不外三姓下九城又按宋
史建炎二年金徙二帝於韓州去燕京一千五百里
四年金將立劉豫乃徙二帝於五國城去上京東北
千里韓州爲今八面城去燕京實一千五百里上京
爲今白城東北至三姓五百五十餘里由三姓東北
四百餘里至希爾哈城云去上京東北千里似卽徙

於希爾哈城然則今三姓當為五國頭城自此而東
乃四國分據也東三省圖說

舊城城北五里餘周圍十餘里俗曰舊城冊報

古城城西一百二十五里舊志作一百五十里一瑚爾哈河西岸

又有二一在城南六十里瑚爾哈河東岸按冊報云城西南七

十里瑚爾哈河東岸有古城周圍五里一在城北二

餘方輿道里俱相似疑卽是此一城按此三又有

里俗皆稱古城盛京通志三十一城一統輿圖皆作朱爾格依

二一在城東北三百七十餘里松花江南岸周圍四

里餘一在城東北九百四十餘里奇訥林地方周圍

五里餘冊報

和敦城城東北一里盛京通志三十一原註誤屬葉赫部今不取

公木訥城城東北一百二十餘里松花江北岸周圍

五里地名公木訥俗因曰公木訥城冊報

瓦里城通志作翰里舊志作瓦利城東北三百二十餘里松花江

南岸周圍九里同上按兩志俱係於甯古塔境云

也今依冊報改輯

希爾哈城城東北三百三十餘里周圍八里餘地名

希爾哈俗因曰希爾哈城同上

對面城城東北五百六十餘里松花江南岸有古城

基二周圍各四五里俗曰對面城同上

集遠特噶城與黑河口相近門濠莫考

一統輿圖

海邊古城

原註在甯古塔城東北三千餘里

在混同江東南入海處

城外有元時石碑地遠莫考其詳

盛京通志三十一

碑文別

見金石志

阿勒楚喀境內古城

寥晦城故址無考太祖進軍甯江州次寥晦城

金史本紀

一城在故會甯府城西北相距數里

方輿紀要

翁鄂洛城

亦名白城

城南四里內有子城周圍里許尙餘

宮殿舊址俗稱為古城

盛京通志三十一

拉林阿勒楚喀之

間則金上京城在焉今尙有古城及子城宮殿遺址

滿洲源流考八

上京會甯府據金史及松漠紀聞北盟會編

奉使行程錄所載道里考之即今阿勒楚喀城南四

里白城故址白城西面南面各十里東北隅縮進五

里作半凸字形中復有橫城一道橫城南有子城方

約二里南面二土阜對峙各高二丈餘周二十餘丈

由阜間北行有高阜七層各高四五丈長均二十餘

丈即宮殿基也兩傍均有高阜南北直向即圍廊基

也外又各有橫互高阜數層皆在子城內又金史獻

祖徙居海古勒水始有棟宇之制遂定居阿勒楚喀

之側今城東北二十餘里有海古水即海古勒也俗

呼大海溝小海溝合流入阿勒楚喀河地理志上京
路卽海古勒之地卽此可知矣東三省圖說

太祖甲申年秋九月攻克棟鄂部翁鄂洛城國方略一開

琿春境內古城

扎庫塔城城西一百二十里周圍一里通志辛亥年冬

太祖遣額亦都和哩扈爾漢率兵二千往征扎庫塔城諭

降勿從圍三日攻克之國方略三開

沙齊城城南二十五里周圍一里餘門一盛京通志三十一

費優城舊志作飛腰城北二十里周圍三里西南各二門

東北各一門

太祖丁未年收撫瓦爾喀部於此同上

達都城城東南七十里周圍一里同上

愛丹城城西北二十五里周圍一里同上

富達錫琿河城在琿春三字新增元注在吉林城東南一千一百八十里有

河河東北有古城近鈕旺堅舍里同上二

烏拉境內古城

烏拉城一作吳喇吉林城北七十里混同江之東舊爲布

占泰貝勒所居同上三城周十五里四門內有小城

周二里東西各一門中有土臺臨江江邊有庵曰保

甯柳邊金史本紀云太祖進軍甯江州十月朔克其

城次來流域來流卽今拉林河按遼金二史金太祖起兵先攻甯江州遼守將蕭烏納戰敗棄城渡混同江而西是州在江以東矣高士奇扈從錄云大烏喇去船廠八十餘里卽遼之甯江州也同上一百三古甯江州應在今額赫茂原作厄黑木站扈從日錄指爲大吳喇者非是松漠紀聞來流河去混同江百十里來流域卽在甯江州西金太祖紀十月朔克甯江州城次來流域可證今之混同江東百十里者正額赫茂站大吳喇在混同江邊柳邊

太祖癸丑年春正月平烏拉國開國方略四

金州城屬烏拉國在布占泰貝勒所居大城河岸之西距城西門二里許開國方略四爲武勳王揚古利攻克今吉林城北猶有金州山金州站滿洲源流考入遜扎泰城泰一作塔屬烏拉國癸丑年攻克同上今故址無考
郭多城屬烏拉國與遜扎泰城同時攻克同上故址無考
古土城凡三一在城東四十里樺樹嘴子東周圍二百四十步一在城東五十里楊木林地方周圍一百六十步一在土城子地方亦城東五十里周圍三里

餘探訪
冊

富克錦境內古城

古土城凡五一在城西南十一里松花江南岸周圍
五里餘一在城西南一百六十一里北靠江岸一在
城西南三百三十里一在城東五里周圍一里餘一
在城東一百二十五里圖斯克屯西十五里周圍五
六里又城西南二百十里沿江有山上有土圍一門
濠俱無可考同上

謹案吉林自遼金以來暨明季諸部落建築城堡
星羅棋布洎朝市既改蕩為邱墟凡諸紀載所見

乾隆時修輯

盛京通志已有不能確指其地而因之闕佚者今又
百數十年荒榛灌莽之內訪諸野老概曰古城其
與前志所遺同異均難臆斷姑並登錄以俟後之
覽者有考焉

廣雅釋詁

與前志同異在據前故並登後以辨

百城十半其海其之因為海津法辨曰古

盛京志曰有不詳其故而因之闕為

德蘭用

